

**DE IURE BELLI
BELGICI ADUERSUS
PHILIPPUM REGEM
HISPANIARUM
ORATIO NOBILIS...**

Willem Verheiden, Jacob Verheiden



BENIVOLE LECTOR;

*Si quid commissum, omisumve deprehendes,
Sic ut Typographi festinationi imputare, &
aqui bonique consulere velis, etiam atque etiam
rogo.*

AD POTENTISSIMOS AC
SERENISSIMOS
CHRISTIANI ORBIS PRINCIPES
DE IVRE BELLI BELGICI ADVERSVS
HISPANIARVM REGEM PHILIPPVM
ORATIO.

Magna atque ampla sunt imperia vestra, ILLVSTRES CHRISTIANI ORBIS PRINCIPES, quæ longè lateque per omnes mundi partes diffusa possidetis: Sed multò majores, multoque potiores sunt virtutes artesque, quibus hæc continetis, conseruatis & rectâ dirigitis ad illam summæ felicitatis metam atque terminum. Harum duas ego præ cæteris singulares & eximias esse statuo, quæ ingenteis illas imperiorum moles tanquã magni quidam Atlantes humeris suffulciant: Iusticiam & Benivolentiam. Illa est præclara omnium legum mater & Rerumpub. gubernatrix, per quam iusta rectaque civibus vestris subditisque decernitis ex æquo & bono: Cui cedit ultrò fâscisque submittit vestra ipsorum voluntas, consilium, appetitus: quæ vos ipsos juxta & subditos vestros iisdem legum vinculis coniungit atque copulat: Hujus causâ rei veteres olim Philosophi Iusticiam fingeant perpetuò Iovi comitem sociamque adsisistere, quod ab illa Iupiter hanc universam mundi machinam benè regendi præcepta caperet:

Ut quicquid ille decerneret, id omne iustum esset; non
 quia ipse ita decreuisset, (vt Anaxarchus improbus adu-
 lator Alexandro regi ob occisum a se Clitum gravissimè
 dolenti persuadere voluit) sed quia. Iusticia adistente
 ita decreuisset: Nam fruendæ Iustitiæ causâ credebant
 sapientissimi viri olim benè moratos Reges constituen-
 dos esse. Quæ quidem virtus & scientia, quum ita per
 omniû hominum ingenia, mores, vitâ se distendat ac
 dilatet, vt nihil præclarè quicquâ sine ea effici queat, nec
 omninò honestè viuere homines sine ea possint: Tamè
 in vestro hoc amplo & illustri munere, Principes, lon-
 gè excellentius illa quiddam obtinet; Ea nimirum à
 vobis requirit atque postulat, Vt leges, quas à majori-
 bus vestris à tot indè seculis per tot hominum manus
 ad vos transmissas accepistis, & quas videtis aptas atque
 efformatas ad ingenia, naturam, & mores gentis vestræ,
 sanctas & intemeratas esse velitis: Nam eas si tollitis, tol-
 litis & evertitis imperia vestra. Non enim ut gladius
 Delphicus multis ac diversis usibus; Sic unæ eadem-
 que leges omnib. populis conueniunt, non iisdem im-
 perijs regi omnes cupiunt, aut possunt: Sed in vestrarum
 cuiusque legum obseruatione legitimum & stabile im-
 perium vobis descripsere vestri maiores. Hoc au-
 tem fundamentum & firmamentum habetis supremæ
 & divinæ vestræ dignitatis. Quamquam alterum illud,
 quod Benivolentiâ nominavimus, ipsi non ignoratis,
 quid etiam momenti adferat ad commodum, diuturni-
 tatem.

tatemque Reipub. Hanc intelligo adfectum, amorem,
voluntatē, studium benefaciendi subditis vestris, hisque
procurandi & augendi cōmoda cū priuata tūm publi-
ca, ex quorum usu metienda esse omnia cōsilia vestra, o-
mnēsque actiones vestras profiteri: Hæc ipsa efficit,
vt subditorum patres sitis, non domini, pastores, non
laniones, Reges, non Tyranni: Ab hoc fonte ducitis re-
liquos virtutum vestrarum rivulos; Clementiam, Leni-
tatem, Comitatem, Modestiam, Beneficentiam: Hoc
denique est verum illud assiduūque publici boni stu-
dium, cuius causa ab ipso Deo immortali imperia vobis
data tributaque sunt, quū subditi vestri non vestrā
causā & in vestrum usum creati atque geniti sint; sed
vos subditorum causa cōstituti, his consulere, his pro-
desse, hos tueri vestra auctoritate, virtute, prudentia ve-
litis. Quapropter quū in his duabus virtutibus omnis
regendi scientia, omnium Principum magnitudo, o-
mniū civium beatitudo versetur; & quicumque Princeps
has negligit & spernit; is imbecille ac debile imperium
obtineat, ac re ipsa Tyrannus sit, cuius voluntati ac libi-
dini parere nemo debeat; facile intelligetis, Potentissi-
mi, Illustrissimique Christiani orbis Principes, quo
loco habere debeamus Philippum Regē Hispaniarum,
Cujus violento & injusto imperio quum Ordines fæ-
derati Belgij resistāt, visum mihi fuit, de lure hujus belli
pauca ad vos loqui: Et vos rogare, ut tanquam boni &
justi rerum arbitri deposita omni simultate, suspicione

& adfectu hanc causam æqua & sincera mente cognoscatis ac judicetis, ex ijs quæ dicturus sum in hac vera & succincla narratione historiae rerum Belgicarum, quæ à Philippi Regis ætate in his Provincijs illius libidinoso & iniquo imperio gesta fuere. Quæ dum vobis exponere instituo, rerum me copia inopem consilij reddit, ut quem potissimum ordinem modumque servare debeam, ignorem: & videam faciendum mihi esse, quod Pictores solent, quib. in exigua tabella ingens aliqua multitudo hominum exprimenda est. Nam ut illi nonnullorum vultus tantum atque ora, multorum summa modò capita ostendunt, totum reliquum corpus abscondunt, Ita me pauca modò adsumere ex multis rebus in Belgio gestis breviterque eadem complecti & capita duntaxat, summaque rerum fastigia persequi erit necesse: Ex quibus cognoscetis magnas & justas ab initio existisse causas hujus belli nostri, easdem majores & justiores progressu factas esse. Vos autem, Illustrissimi Principes, adeste benivolis animis & auribus, quicunque justa, legitima ac felicissima imperia tot retrò seculis retinetis, quicumque publico vestrorum subditorum còmodo & utilitati studetis: attendite ad res maximas & gravissimas: in quibus exponendis, nihil me allaturum quod non sit ipsi rationi consentaneum; nihil dicturum quod vel unum digitum transversum à veritate discedat, conceptis ad Fidei aram verbis, sanctè iuro spondeoque.

7
Magnus Cæsar Carolus gravissimos imperij labores sustinuerat, innumeris penè Provincijs & Regnis auxerat imperium, infinitas & incredibiles confecerat expeditiones: Novem in Germaniam: sex in Hispanias: septem in Italiam: decem in Belgium: quatuor pace & bello in Galliam: bina in Africam itinera peregerat, quùm à bello Germanico (cujus tum exitus valdè incertus atque dubius esse videbatur) supersedere cuperet, & jam gravis ætate & laudibus imperij concedere in Hispaniam vellet, ibique quietus & tranquillus in summo ac pio otio transigere felicissimam senectutem. Ità se maximus Imperator abdicavit omnibus Regnis suis atque Provincijs: Ità Philippo filio omnis labor & cura rerum a patre cum hæreditate obvenit. Quem ille cùm sæpè antea, tùm verò maximè, quùm, uti dixi, ultimum in Hispanias è Belgio, tanquam è vita discessum pararet, hortatus est (Sicuti boni Principes solent summopere esse solliciti de successorum in Rempub. suam voluntate, virtute, curâ atque studio) & seriò quidem præsentibus Principe Orancio & Bossutio seniore, alijsque nobilibus viris monuit, Vti præ ceteris Regnis suis, hisce comprimis Belgij Provincijs maximam curam adhiberet, sciret hanc gentem nulla imperij severitate gubernari consuêsse, abhorretere ab omni rigore, fastu, insolentia Hispanorum, Libertati ac legibus suis valdè deditam esse: ad hæc omnia nisi animum Philippus adverteret, atque id conniteretur, uti omni cùm be-
nivo-

nivolentia, &, ut fas erat, cum iusta suarum legum observatione hunc populum haberet, fore uti laboraret aliquando illius in Belgas imperium. Meminerat optimus Patriæ parens, idemque fortissimus Imperator, se à Belgis suis consilio operaque fideliter tot in aduersis casibus adiutū: Sciebat, quū replicaret omniū temporū memoriā, imperia omnium Regum ac Principum Hispanorū in subditos suos ac universos populos semper extitisse austera, superba, crudelia, & iam inueterata & à natura Hispanorum ingenijs insita quædam odia in Belgas esse, sæpiusque illa palàm apparuisse: Considerabat Philippum filium in Hispania natum esse & educatū, ibique cum lacte nutricum imbibisse hæc magna ingenij morumque vitia; atque adèo probare, imitari de industria, & Hispanorum mores præ se ferre: ut non nisi Hispanicè loqui posset, nec nisi ministris Hispanis uti vellet. Ut igitur bacillum aliud est inflexum & incurvatum de industria, aliud ita natum; sic Philippus multa indigna tanto Principe vitia, simul à natura, & ab educatione habuit seruavitque. Nam quū primū Cæsar Belgium reliquisset, reliquit Philippus illa salutaria & prudentissima consilia optimi patris; Et ut obscuratur atque offunditur luce solis lumen lucernæ, & ut interit magnitudine maris Ægæi stilla muræ: sic præclara illa monita, quæ, tanquam cygnæam vocem discedens Cæsar edidit, hiant ore absorbuerunt istæ immanes & vastæ voragines Hispanicæ ambitionis & odia
nostræ

nostræ gentis: quæ ità penitus animum Philippi & omnium Hispanorû occupabant, ut Belgas non parere justis & patrijs legibus, sed seruire suæ libidini vellent, cum reliquis populis Indiæ, Italiæ, Arragoniæ. Ex quo intelligitis (id quod ex eo tempore quo Philippus regnis suis præesse cœpit, ipsi vos magno vestro malo sæpenu-merò sensistis) intolerabilē & incredibilem esse illius fastû & ambitionē, eumq̃ summo studio, omni ope & operâ ubique terrarû illegitimâ imperandi licentiâ consecrari. Bellû in Gallos Rex Philippus restaurauit, quod Cæsar per inducias intermiserat: quumq̃ in illius usum ab Ordinibus Belgij postularet pecunias extraordinarias, perlubenter & uno omnium Ordinum consensu eæ concessæ Regi fuerunt, quanquā antea in tot bella Cæsaris liberalissimè ac sæpius contulissent. Nam coactis ex more & patrio ritu omnium Provinciarû Ordinibus, rogatisque omnium Ordinum suffragijs (nam talia sine communi omnium permisso geri, permissi autem nisi habitis antè Comitij fas non erat) decernitur uti Regi Philippo in novem annos magna pecuniæ vis tribuatur. Hoc *subsidium* appellatû *Nouennale*: Quod quidem huic bello magnoperè seruiebat; Sed longè magis illa præclara & antiqua procerum Belgarum virtus, quâ cum in alijs bellis plurimùm, tum in hoc Gallico tantùm valuere, ut Philippus potentissimo Galliarum Regi duobus secundis prælijs victo fugatoque, ac post-Dea pacem poscenti eas leges condicionesque præscrip-

ferit, quæ cum summo honore suo, & gloria, & com-
modo coniunctæ essent: Cujus quidem victoriæ laudē
omnes homines, atque ipsi imprimis tū Galli victi,
tū Hispani æmuli tribuebant virtuti Belgarum; At-
que hæc una res eo tempore tanti momenti fuit, ut si
Rex Philippus tot præteritis in parentem, tot in se bene-
ficijs ad humanitatem flecti nequivisset, accedente im-
primis præclaro Hungariæ Reginæ testimonio, quæ
discedens è Belgicâ præfecturâ adfirmavit Regi, satis sibi
superque exploratam esse fidem ac virtutem Belgarum,
quibus tū Cæsar, tū ipse Rex summa quæque debe-
ret; hoc saltem unico facinoræ, hac tam unanimi o-
mnium Ordinū concordia, & ad Regem suum juven-
dum conspiratione, hac fide, hac procerum fortitudine
ad eorum amorem ac benivolentiā accendi debuisset.
Sed spreuit Philippus hæc testimonia, contempsit illa
beneficia Belgarum resque præclarè gestas. Quid dico
ego spreuisse eum? imo verò etiam summo odio facili-
que atrocissimis compensavit. Pace enim Gallica con-
stitutâ, gravissimè ferre visus est, quòd Ordines paullo
antè in Nouennalibus tributis statuendis nō statim ad
nutum illius aperuissent ac profudissent universum Rei-
pub. ærarium, imperioque illius è vestigio paruissent:
sed primum coacto de more & lege omniū Ordinum
concilio habitisque Comitijis deliberarent, vti res o-
mnium consensu probaretur, & statueretur per quos ho-
mines potissimum hæc pecunia omnis tractari & in u-
sura

sum Regis commodè distribui posset: Ob hanc causam ille (qui oppressa libertate & patrijs legibus conuulsis merum in Belgas imperium, hoc est, puram putam Tyrannidem adfectabat) subsidium illud pecuniarium, nō beneficium, sed crimen Læ læ Majestatis judicaret, Ordinesque etiam suspectos haberet, & tanquam hostes ac rebelles imperij sui: Hæc enim satis digna causa Philippo Hispanisq; omnibus visa fuit, cur sese inimicos Belgis ostendere inciperent, & in leges, in libertatem, in privilegia eorum impetum facerent, Quod scimus Tyrannis omnibus in more positum esse, uti minimas causas venentur, & aliqua juris specie vestiant ad conuellendas & evertendas suorum subditorum leges & libertatem: Ita enim Sex. Tarquinius superbi filius in Gabiorum urbe summum imperium administrans, magistratus omnes per fraudes & ob falsa crimina occidit, in exilium eiecit, ut hoc modo urbem Tyrannidi sui patris adijceret: Et de Julio Cæsare proditum litteris accepimus; quod quum se in perpetuum imperium Reipub. Romanæ contra leges & libertatem ingerere cuperet, quicumque suis conatibus obstarent, eos vel probabili causa, vel occulta quadam fraudum via sustulerit: Item Hispanus ex hoc portu iniustæ querelæ & accusationis, plenis velis properabat ad crudele in Belgas imperium, quod jam diu animo meditabatur. Nec sanè deerant alij, qui remis etiam hanc navem perditissimorum consiliorum propellerent ad Hispanicam Tyrannidem;

nidem ; nobilis scilicet unus atque alter, indignus stripe,
 indignus patria sua, qui nec soluendo erat, nec se ullo
 modo, nisi eversa Repub. incolumem fore putabat: Inter
 eos magnus pecuniæ villicus Barlemontius efferebat
 caput, & ex ore perniciosissimo evomebat in sinum Re-
 gis quælibet nefanda consilia, quibus omnium Hispano-
 rum animi ad maiorem vim, fraudes & flagitia exci-
 tabantur. Nam eò etiam res devenerat, ut jam Rex cogi-
 taret de occidendis Comitè Lalainio, & omnibus Or-
 dinibus, viris prudentissimis & unicis Reipub. nostræ
 protectoribus, ijs dico hominibus, qui paullò antè tot
 beneficia in illum contulerant, & vitæ etiam pericula
 subierant pro illius salute & imperio. Hac crudelitate
 quæ ulla major unquam esse potuit? Hoc ingrati animi
 crimine, quod nam indignum ullum fuit? Sed atten-
 dite præterea, Principes, quantam licentiam & libidi-
 dinem sibi sumpsit Philippus antè discessum, quem in
 Hispaniam parabat. Iubebat illè uti militem admitteret
 in urbes suas præcipuas, eique ipsi stipendia soluerent,
 cives autè ac subditi omnes ab armis discederent: Hi non
 refugiunt imperium sui Regis; sed rogant uti domesti-
 cum non Hispanum militem recipiant: Ille instat, &
 omnino vult Hispanum haberi, in quibus videlicet cru-
 delissimi imperij fundamenta poneret, eosque jubet
 tenere suis vigilijs & custodijs præcipua castra muni-
 mentaque Provinciarum, qui etiam ipsi non cohibe-
 bant istas furias inimicitiarum & insiti odij sui à cladi-
 bus

bus & iniurijs Belgarum, quin statim eas inferrent Ant-
 vverpiæ, Atrebaro, Cameraco, urbibus primarijs : De-
 inde quod nostris legibus omninò repugnabat, & vio-
 lento illegitimoque illius imperio firmando summo-
 perè conducebat, Philippus aliquot consiliarios Hispa-
 nos adiungit Ordinibus; homines quidem illos ad frau-
 des, ad iniurias, ad Tyrānidē à naturâ factos, arque com-
 positos, Comitem Feriæ, Vergam, & Erasum, qui vo-
 luntatem, imperia, consilia omnia Philippi Regis in suo
 pectore haberent, quibus Ordines obtemperare voluit,
 nec quicquàm agere quod non illi magni Catones pro-
 basset; Quò fiebat, ut quùm penes illos summa rerum
 potestas esset, nostri homines viri sapientissimi & stu-
 diosissimi Patriæ suæ, bonique publici, velut umbræ va-
 garentur, & tanquam statuæ haberentur, in quibus præ-
 ter nomen nihil esset additamenti; nec, quod conduce-
 bat Reipub. possent suadere atque exsequi. Tùm liber-
 tas, & animæ nostræ venales & in dubio esse cœperunt:
 Nā ita se res habet, Principes, Rex Philip. atq̃ Hispani;
 quorū ille ad iniustum imperium operâ utebatur, in eo
 omnes elaborarunt, vt, quemadmodum olim veteres illi
 Romani per decē viros novas leges duodecim Tabularū à
 Græcis postularūt, Sic nos spretā everisq̃ libertate nostrā
 per hos crudelissimos Triumviros nouū aliquod impe-
 riū, novas & superbissimas leges peterem⁹ ab isto cōsilio
 senatuq̃ Hispanico, ex quo ordine prodierāt etiā hi ipsi,
 quos dico, consiliarij Regij: Et quod nunc videris Prin-
 cipes,

cipes, illos autoritate sui Regis Philippi velle leges & iussa ponere omnibus terrarum populis, hoc jugum seruitutis Belgarum ceruicibus voluerunt imponere, hoc onere crudelissimi imperij opprimere penitus Rempub. optimè constitutam, vt illi sua licentia & libidine pro legibus nostris uti possent. Hoc nimirum vocabant *Plenam integramque obedientiam*; Nos rectius Tyrannidem nominabimus, qui est violentus præter leges & mores dominatus, quo jam dudum affliguntur, atteruntur tot populi Indiæ, Siciliae, Neapoleos, Calabriae, Mediolani, Arragoniae, Portugalliae, quos omnes illi nullis propriae Reipub. legibus viuere patiuntur, ad quos ex Hispania velut è Romana urbe mittuntur Proreges, Praefecti, Legati, Consiliarij; atque illi omnes Hispani. Ecquid autem causae est cur ita faciant? Quia nimirum postulat hoc illa dignitas & maiestas Monarchiae Hispanicae: hoc illis praescribit gravissimum illud dogma & disciplina Stoicorum, quam illi non doctrinâ atque studio, sed naturâ suâ atque ingenio hausisse & à vetustate reuocasse videntur, Quandoquidem illi omnes terrarum homines seruos, ministros suos esse, stupidos, stultos, infames, miseros, bestias: se verò solos Reges, solos sapientes, solos diuites, solos beatos, solos homines esse praedicant, Inter quos, tanquam Chrysippus quidam, videtur Philippus fulcire porticum. At reclamant illi, se jure suo & lege armorum imperare exteris istis nationibus, quum ita sit jure gentium atque usu receptum, ut victores

15
victores victis leges & jussa pro arbitrio imponāt: Quod
quidem si dandum est, Principes, vti sanè est diuturnæ
omnium populorum consuetudini, cur in Belgium sibi
hujusmodi imperium vendicant Hispani; quandoqui-
dem hoc Philippo jure hæreditario competat, non ar-
mis, non vi, non fraudibus Hispanicis illi acquisitum
subactumq̃ sit: Sed maluit Tyrannus sursum versum o-
mnia peruertere, bellis, incēdijs, populationibus cuncta
vastare, divina pariter & humana miscere, quàm privi-
legia auita & libertatem (quæ ipsa tamen videbat indige-
nis vita & sanguine cariora esse) Belgis relinquere. Ita-
que hanc sibi viam ineundam ratus est; Primum, ut
bello eos tanquàm hostes peteret, Tum ut victis jus pa-
trium adimeret, ipse novas tabulas & novas leges victis
victor daret: Non negabat hoc olim Dux Albanus, qui
quum jam confirmata civili dissensione complures ur-
bes bello crudelissimo diripuisset, dixit, & palàm jacta-
vit, Regem non amplius Principis, sed victoris jura ob-
tinere in Belgio. Itaque ille haud aliter, ac si res jam du-
dū confecta esset, crudele imperiū ubique exercere, leges
iniquissimas ferre, vitam juxtà & bona optimi cuiusque
& fortissimi civis proscribere, eaque publicis præconū
hastis, & carnificum gladijs subijcere: Quid? an tale
quicquam ullus unquam Tyrannus, ullus hostis insti-
tuit? Num Gelonem & Hieronem Siculos? Num Pisi-
strarum Hippocratis filium? Hos autē accepimus quā-
tumvis per vim & præter leges Regno potiti fuissent;
mode-

moderatè tamen & ex Regni sui legibus imperasse; atque adeò suo imperio Siculorum Rempub. meliorem feliciorèque reddidisse: Quid verò dicam de Lydiade Tyranno? qui quùm in Magna urbe tandem abhorreret ab ista Tyrannorum iniustitia & insolentia, civibus suis leges pristinas restituit; ac postea etiam cum hoste Reipub. bello dimicans fortissimè pro illius salute occubuit: Romani etiam si quam armis provinciã Reipub. suæ adiecerant, eam summa cum modestia, gravitate, prudentia, Iustitiaque administrabãt. Tu verò, Philippe, non abstines ab iniurijs, à vi, à morte nostra, & ab interitu nostrarum legum, qui non bello, non Tyrannide, sed legitima hæreditate & jure matrimonij in tuam possessione venimus. Quapropter si jus Tyranni exercere voles, Philippe, habe illud tibi in Italia, quæ jam dudum hostico jure tibi paret: Si Rex videri, esto in Hispania, sive potius Hierosolymis: Si Monarcha, de quo jam dudum tui Hispani aruspices bonum omnem tibi retulerunt, esto ubicunque tua illa bellorum incendia miscebis: Si magnus denique Dominator, esto in Asia, esto in Africa: Nos neque hæc superbissima imperij tui nomina, neque leges iniquissimas agnoscimus in nostra libera Reipub. Nec ulla nobis societas cum Tyrannis; quin potius summa distractio est: Ducem nos ac Principem habemus; illum quidem legitimum, ac justissimis nostrarum legum cancellis circumscriptum: Talem te quoque esse & æternum fore jurabas, quùm

tu cum summa omnium lætitia ac spe ingredereris in urbes nostras, quum te quisquis cum summo honore & obseruantia reciperet & amplecteretur, Tum te coram toto populo ad sacrosancta de more Evangelia sancto juramento adstrinxisti, te rata habiturum jura majorum, nec ullam ex ijs legem mutaturum esse. Sed ne temerè libertatem nostram toties appellare, sæpiusque sermone repetere videar, dicam quæ illa sit, & quid velit. Credo enim, Illustres & Potentissimi Principes, Philippum Regē hujus memoriam jam dudum deposuisse ex omni sua cogitatione, & existimare hanc esse signum illud meretricis Tanagrææ, quod Clodius perniciosus civis Romanus libertatem suam vocabat, & quod ille illiusque Hispani omnes non simulacrum habent licentiæ, sed tanquam suarum libidinum Deam & Venerem venerantur. Ego verò in jure, legibus, æquitate, consuetudine & moribus majorum libertatē nostram sitam esse statuo: & dicam, si placet, nonnullaque eorum revocabo illis in mentem, ut & vos, Principes, cognoscatis, quæ tandem sint illa, pro quibus tanquam pro aris & focis pugnamus, & nullū mortis genus subire pertimescimus.

PRINCIPES BELGÆ;

Neminem ludicio præter leges, consuetudinesque urbium aut publicæ curiæ prosequuntur, cuique se defendendi potestatem per advocationem concedunt.

Nullum peregrinum aut exterum muneribus publicis praeficiunt.

Præfectum cum summa dignitate, auctoritateque Provinciis nullum adhibento, qui non sit sanguine & stirpe sibi coniunctus.

Ne statum Reipub. sua auctoritate per rescriptum vel edictum mutanto, nihil quicquam in ea innovanto.

Præter publicum consensum Ordinum nulla tributa exigunto, redditus suos ordinarios habento, ollisque contenti sunt.

Militem sine voluntate Ordinum in Provincias atque urbes ne ducunto.

Absque permissu Ordinum pretium monetarum nunquam variant.

Nec obedientem & noxium civem multat, vinculis, verberibus, ne coercento: ni magistratus iudicasset, interrogasset.

Reum cuiuscunque criminis à iudice condemnatum ex Provinciis ad alia suppliciorum loca ne educunto.

Salus populi suprema lex esto.

Quod si quis Princeps migrasset, si vi, iniuria, fraude statum Reipub. turbasset, Ordines atque cives omnes morè illi recusanto, à fide & iurejurando immunes sunt, Præfectum Principis loco constituunt, dum ad meliorem mentem leniusve imperium ille redierit.

Et si quæ sunt aliæ leges huiusmodi, quibus hætenus diu multumque floruerat Belgij libertas. Iam videre quæso & considerare, Principes, quæ dixi dicturusque sum de violento iniquissimoque imperio Regis Philippi, quàm illud ex adverso non libertati modò nostræ; sed ipsi adeò Iustitiæ repugnet: Quanquam non sit necesse

cesse multa argumenta exquirere, ut ostendam, quod jam dudum probavi, Philippum leges Belgij violasse & voluisse totum Belgiū mera Tyrannide opplere, quū ex interceptis litteris Alanæ, legati Philippi Regis id manifestè certòque cognoscere unusquisque potuerit, qui scripserat è Gallia ad Principem Parmensem Belgij Gubernatricem, certum deliberatumque esse Regi suo, abrogare, rescindere omnia privilegia Belgarum; atque illum hanc legem Belgis ferre, ne alia lex ulla valeat, quàm quæ illius imperio; illiusque consilio lata esset. Ac proinde Pontificis auctoritatem imploravit, ut hic illi iurandi fidem abrogaret, & sacramentum, quod de observandis legibus Belgicis præstiterat; uti hujus vanæ licentiæ ventis postea se totum daret in vastum Oceanum Hispanicæ Tyrānidis, quoad tecta specie quadam Romanæ Religionis & sanctitatis apud bonos Principes & omnes terrarum populos lateret tanta crudelitas ac Tyrannis. O iniustitiam prædicandam, indignumque imperio Principem & imprudentissimum! Quid enim imprudentius atque inconsideratius in imperij negotio fieri ab illo potuit, quàm velle se liberari fide & jurejurando subditis suis dato? Ita rerum ignarus est Philippus, ut non intelligat quàm arcta sit coniunctio animorum, voluntatum, consiliorumque omnium inter illum & subditos illius per mutuam fidem jurisque iurandi religionem contracta; quæ sint legum & fidei vincula, quæ colligant & vinciunt munera officiaque omnium Prin-

cipum, senatusque & subditorum, domini & vasalli?
 Quibus enim de causis vasallus feudo excidit, jisdem
 dominum proprietate illius privari ius est: Huic vasal-
 lus nec fidem aut obsequium præstare cogitur, si ipse fi-
 dem & jura feudi vasallo recusarit. Dicebat olim Domi-
 tius Orator, *Cur ego te habeam Principem quum tu me non
 habes Senatorem?* Et non inscitè Lucius Crassus, *Ego te con-
 sulem putem, quum tu me non putas Senatorem?* Cur non &
 nos pariter dicamus una voce, *Regem Philippum non agno-
 scimus, qui nos suos ciues non agnoscit; sed pro inimicis & hosti-
 bus habet.* Quare ipsi Philippo hæc eius perfidia noxæ
 cedit, dum hoc agit, ut Ordines simul etiam liberet sua
 fide & iurisiurandi lege, ut illum non amplius Princi-
 pem habere & observare; sed ut Tyrannum, ut commu-
 nis Patriæ hostem reiicere & detestari jure queant: Ut
 enim quidam morbo aut sensus stupore suavitatem cibi
 non sentiunt; Ita dum tanta malitia licentiæque libido
 & cupiditas Philippum aliosque Tyrannos inuasit, non
 vident, non considerant, quid illis ipsis in his flagitio-
 sis iniusti imperij studijs utile quid inutile factu sit; sed
 naturæ quadam immanitate feruntur & rapiuntur ad
 quælibet scelera atque flagitia. Quanquam quo animo,
 qua voluntate, quo adfectu potuisti, Philippe, à legibus
 nostris tantum abhorrere & discedere, ut earum caussa
 fidem tuam, quâ omnes boni Principes sacrâ sanctam-
 que habere & tanquam omnis Iustitiæ fundamentum
 conservare solent, turpiter violares, infringeres & abij-
 ceres?

ceres? An eæ iniustæ erant & præter rationem æquitateque constitutæ? aut dignitati tuæ majestatique Hispanicæ quicquam derogabant? Atqui Cæsares, Reges, Principes, majores tui, & haud dubiè majores te & dignitate imperij & laudum rerumque gestarum splendore atque præstantia eas sibi ipsis tulerat & præscripserant; illas quidè justissimas & optimo Principe dignas, quibus universa salus omnium Belgarum nixa fixaque esset, omnis felicitas & diuturnitas Reipub. nostræ constituta fundataque maneret, ad quas magnus ille Cæsar pater tuus, cæterique omnes tui antecessores multò evigilarunt acrius omni studio & cura, quàm tu, Philippe; ad earum eversionem, perniciemque totius Reipub. Tyrannide & violentia tua contendis: Intelligebant enim optimi Principes, quod tu & omnes Tyranni negare & inficiari soletis, proprium munus bonorum Principum esse, semper meminisse, non solùm quantum sibi commissum, sed quatenus permissum sit: Et perpetuò recordari se gerere personam totius Reipub. debereque ejus dignitatem salutēque sustinere: servare leges, jura tueri: cogitare præclarum illud dictum planèque regium Regis Theodahadis, dicentis, *Quam omnia possimus, sola credimus licere nobis laudanda.* Propterea Antigonus tertius Rex Macedonum civitatibus suis scribebat, ut, si quid fortè per epistolam vel per rescriptum imperaret atque ediceret, quod præter earum leges esse videretur, ei non parerent; sed se ignorantia quadam atque errore deli-

quisse censerent. Magnum & præclarum Regem! qui ipse quùm audiret dicentem fortè quempiam, omnia nullo habito discrimine honesta & iusta esse Regibus, nō minus egregiè quàm prudēter adiunxit, *Imo Barbarorū Regibus, Nobis verò sola honesta pro honestis, sola iusta pro iustis sunt.* Similiter Themistocles Simonidi roganti uti sentētiā in iudicio iniustam suo cōmodo ferre vellet, *Neque tu, inquit, pōeta bonus esses, si præter numerum caneres, Neque ego Princeps bonus, si contra leges quicquam statuerem.*

Vides te, Philippe, in huiusmodi factis, rebusque à te gestis omnibus coargui ab ethnicis & profanis Regibus, qui Christianus; & quidem Catholicus haberi vis? cōvinci te ab huiusmodi testibus, qui naturæ ductu ferebantur ad æquitatem iustitiamque retinendam? te urgeri omnium confessione, ut ipse fatearis te Tyrannidi studuisse ac studere? Atque ut ad alia nunc progrediar, ne hoc quidem Tyrannidis argumētum prætermittendum est, quòd ex eo tempore, quo primùm Philippus Rempub. Belgarum procurare cæpit, perægrè voluerit Comitia Ordinum haberi; eos sæpè prohibuerit à consilij, distraxerit, turbaverit, quùm de publico bono, uti mos habebat, in Comitij acturi essent: Est enim senatus ille legum, totiusque Reipub. custos, præses, propugnator collocatus, portus & perfugium oppressorum. Cui hoc negotium datum, uti curet ne quid omnino Respub. detrimenti capiat: Hunc Philippus cōire noluit, statuitque capiendum sibi aliud esse consilium: illo

senatu se sua consilia ac Tyrannidem gerere non posse. Didicerat enim hoc à Tarquinio superbo, qui in Romano imperio hunc morem consuetudinemque de omnibus rebus senatum consulendi à majoribus traditam penitus sustulerat, domesticis autè consilijs Rempub. administrabat: Et postea Iu. Cæsar quum oppressa Repub. perpetuam Dictaturam sibi vendicasset, collegia vetuit, quæ deinde Augustus reductâ ad pacem quietemque Repub. commodo publico restituit: Eademque Nero insignis Tyrannus iterum prohibuit sub sui imperij inijs. Nam Philippus non conuentus & concilia modò Ordinum; sed illa etiam nobilium civiumque omnium collegia, cætus, congressus, societatesque odio habuit, disturbavit, & disiunxit; is, qui omnium bonarum legum & morum; atque illius imprimis gravissimi Ordinis senatorij quasi parens bonus aut tutor fidelis esse debebat. Quare si vobis, Principes, res in Belgio à Philippo, perniciosè gestas enarrare pergâ, manifestè illum videbitis iniquissimum & minimè ferendum imperium concupivisse, & ad hæc consilia fuisse animi ambitione atque extremo in Belgas odio inductum. Scio me in rebus celebratissimis sermone omniû versari, eaque quæ dico, notiora omnibus esse, quàm ut mea unius lingua aut mente capi queant: Notabo tamen singulares res, Etsi nullo modo poterit oratio mea satisfacere vestræ scientiæ: Etenim nullum mihi videtur majus in terris flagitium, scelusve indignius unquam auditum

editumque fuisse, quàm illud Philippi fuit, quo conatus est non disiungere quidem aut dissipare solum; sed occidere, trucidare nobilissimum quemque ex hoc Ordine publici consilij, Tum, quum illi, uti paullò antè dixi, Novennales suppetias magno suo beneficio, majore aut illius studio & adfectu tribuissent; Tum verò etiam, quum primùm arcano consilio ille constituisset omnes Belgas ad internecionē delere, quicumque apud se suosque nefarios nostrarum rerum actionumque indagatores incidissent in suspicionē mutatæ Religionis.

Nam, ne hoc silentio præteream, priusquàm Philippus Ordines rebellionis & Læstæ Majestatis accusasset, Dux Albanus, quum de pace Gallica ageretur, Henrico secundo Galliarum Regi exposuit cujusmodi esset illa Phil. Regis consilia de necandis non modò nobilibus ac primarijs viris; sed omnibus denique subditis suis quicumque suspecti restauratæ restitutæque Religionis purioris haberentur; Occidere, mactare voluit Philippus per seditionem aliquam civilem tot millia hominum, qui ne verbo quidem eum unquam læserant; Imo qui illius imperio summa cum benivolentia summaque cum observantia semper lubentissimè paruerant: quibus ille vix annum à discessu Cæsaris imperare & præesse cæperat, ut, si ex eo tempore, & ab hoc crudeli initio suæ Tyrannidis cursum tenere potuisset, jam dudum omnes nostro sanguine sepulti obrutique fuissetmus: Hæc ita esse, Principes, quis vestrum de rei veritate dubitet, quum
mini-

minimè dubitavit is, quem dixi, Rex Franciæ, hoc scele-
ratissimum facinus impijs Philippi consilij susseptum
fuisse, Principi Orangio indicare, tum, quum ille cæteri-
que Principes pacem Passaviensem pro Philippo Rege
transigerent: Neque Religionis causa Philippum talia
instituisse arbitramini, Principes: Cui religio erat viuū
aspicere quenquam hominem, qui omnia illius consilia
non probaret: Cui religio non erat occidere tot millia
civium innocentissimorum, ut eadem opera omnes eti-
am Belgij nobiles & magnates necarentur: Cui denique
religio non fuit bello Maurorum centum nobilissimos
mercatores Granatenses in vincula conijcere, & per se-
ditionem nocturnam omnes jugulare atque occidere;
non suspectæ Religionis causa, (Nam semper Romanæ
vixerant) sed ob pecuniam & ingentes illorum divitias:
quum ex illis qui minimæ condicionis facultatisque
esset, haberet in ære & pecuniâ quinquaginta millia
aureorum Hispanicorum, quæ Philippus statim suo fi-
sco & ærario addixit. Atq̃ hæc de ipso Rege Philippo,
capite & architecto malorum omnium, cursim dicta
sunt: Nunc ad illa tempora veniamus, quæ ipsum ex
his locis in Hispaniam profectum exceperunt. Tristia
tempora & multis cladibus funesta! quorum memoria
optimo cuique ac Patriæ amantissimo horrorem meri-
to incuriat. Tantumne Iberis, Mauris atque Semimauris
in nos juris fuisse, ut qui res, fortunas, coniuges, liberos,
vitamque nostram pro Deo Opt Max, & pro Rege no-

stro profunderē parati eramus, nullo merito nostro rebelles subito, impij atque hæretici declararemur: ac post multas vexationes iniuriasque, miseri nō ab uno aliquo Myrmillone, neque unico ictu prostrati, sed infinitis confecti vulneribus ægrè precariam animam inter infensos hostes traheremus? Age verò videamus ordine gladiatores istos, prout illos nobis temporis series ostēderit, quos Rex Philippus ad Belgij præfecturam misit ex Hispania sua, ut ij nobis afferrēt, non curandi periculosissimi vulneris civilis, sed illius refricandi & augendi potius exitiosa medicamēta, ex isto fraudium & malitiarum narthecio. Si enim verū est, quod Politici ajunt, ingenium Principis cognosci ex moribus & natura suorum amicorum, & eorū quos ad consilia sua ministeriaque adhibet; Videamus profectò qualis sit Hispaniarū Rex, ex ijs, qui ab ipso fuerunt missi in Belgiū Præfecti.

Quum igitur Philippus magna jam fundamenta crudelis imperij jecisset, in Hispaniam redire constituit, ut tanquam illo inscio & absente per hujusmodi administratos Belgæ quiduis paterentur.

Et primum MARGARETA PRINCEPS PARMENSIS Reipub. nostræ præfuit, mulier callida, & avida Hispanicæ Tyrannidis, quæ augebat quotidie varijs querelis & accusationibus Regis odium: Cui ille adiunxerat consiliorum omnium socium, & tanquā fidelem hujus itineris comitem, Cardinalem Granuellanum, ingenio hominem longè magis peruerso, fraudulen-

dulento, turbido. Hi duo, Principes & architecti tantorum motuum, Hoc totum civile bellum natum, conflatum, susceptum istorum duorum opera est: Et ut Helena Trojanis, sic hi duo Reipub. nostræ causæ belli, causæ pestis atque exitij fuerunt: Nam quod Philippo antea vehementiore quodam rigore violentiaque efficere difficile fuerat, hoc illi per dolos, per insidias, per cuniculos elaborarunt. Illi primum, quum nihil viderent esse, quod magis sua instituta promovere posset, quàm per speciem quandam Religionis quidlibet agere præter leges & priuilegia nostra, Episcopos, novo consilio & præter morem Belgij, constituerunt, qui in maximis præcipuisque urbibus erant tâquã speculatores quidam publicarum & privatarum rerum collocati, qui quid quisque ageret, quid institueret prædebant, qui suspectos neglectæ Romanæ Religionis statim ad carceres; indè ad atrocissima supplicia mortemque rapiabant, bona eorundem & facultates omnes sibi & fisco adiudicabant: Quò fiebat, ut per hanc occasionem ij maximè tollerentur è medio, qui Reipub. operam dare, & Hispanorum indignis conatibus libertatē publicam & leges præferre videbantur. Hoc erat sanctum Philippi & Hispanorum institutum, hæc Religio, hæc sancta Inquisitio: quæ sceleribus & latrocinijis suis nomina indiderant, quæ nunquam antea in Belgio nec audita nec usurpata fuerant, quæ, ut ignis aquæ contrarius est, sic legibus nostris repugnabant: Quum per eas ad Religionē

i & morte coërceri nemo debeat : quùm per hæc sanguinolenta iudicia ipsi vindices Patriæ nostræ, falso crimine, cum uxoribus, cum liberis ad publica supplicia abducti fuerint. Quod idem Tarquinius Superbus & Tyrannus in simili caussa studiosè peregit : cujus ille mœurs & res gestas videtur non tantùm accuratè observare, sed etiam imitatione consequi : Hic enim, uti sui metum cuique inijceret, cognitiones criminum capitalium sine consiliis per se solus exercere, eoque pretextu occidere, in exilium agere, ac bonis multare solebat eos, quos suspectos & inuitos habebat, & undè prædam aliquam sperabat. Hæc & talia patrare in Belgio Philippus, cæterique illi maximorum scelerum & insidiarum auctores cupiebant, quùm nihil utilius, nihilque aptius esse iudicassent ad tegenda facinora sua ; retegendas autem omnes actiones & consilia uniuscujusque nostrum publica & privata, quàm si hanc novam Religionis habendæ tuendæque curam magno studio suscepisse viderentur. Nulla enim res deterior, nullum incommodum aut detrimentum majus certiùsve hominibus solet evenire, quàm quod specie magni alicujus boni utilitatisque conciliatur. Sed priusquàm persequar ostendere, quantum repugnarint, quantumque derogarint privilegijs & publicæ saluti nostræ, inquisitionis istæ leges & statuta, fatebor ingenuè Imperatorem quidem ipsum antea multorum cōsilijs persuasum, voluisse Hispanicæ & crudelissimæ Inquisitionis malum admittere in Belgium,

gium, voluisse aliquot novas & severiores leges constituere de Religionis negotio: Verùm quùm videret hæc effici sine maxima Reipub. nostræ mutatione, & detrimento non posse, atque intellexisset ea omnia nostris legibus contraria, aduersaque esse, destitit ab incepto consilio optimus parens, & conseruator Patriæ nostræ; salubribus autem Ordinum consilijs rem omnem in-
fectam reliquit: quùm hi sæpius demonstraissent, quare illa citrà legum & privilegiorum nostrorum noxam exitiūque statui non posset. Vt, quantum studium, quæ cura fuerit huic optimo Principi nostro seruandi potius, & procurandi publici boni, quàm nocendi, non nemo manifestè cognoscat. At Philippus mortuo Imperatore hæc prima instituta, consiliaque Inquisitionis jam dudum omissa abiecta, tanquam præsens aliquod suarum fraudium & insidiarum fundamentum, ita statim in medium retulit & adornavit, ut uno impetu totum nostræ Reipub. statum velle novis, & perniciosissimis suis legibus subvertere videretur. Ille contemptis Ordinum nostrorum cōsilijs, rationibus, rogationibus, spre-
tisque legibus nostris ita fieri voluit atque inperavit; Ut primū novem Episcopi crearentur maximarum urbium: Hi immينو multorum Abbatum redditu, labefactatis abrogatisque legibus & privilegijs majorum gentium, atque imprimis Cameracensis & Leodicensis, Episcoporum, magnificentius & splendidius viverent: Præterea his singulis à consilijs adiungerentur novem alij hujus ordinis & ingenij homines, Canonici:

moderatè tamen & ex Regni sui legibus imperasse; atque adeò suo imperio Siculorum Rempub. meliorem feliciorumque reddidisse: Quid verò dicam de Lydiade Tyranno? qui quùm in Magna urbe tandem abhorreret ab ista Tyrannorum iniustitia & insolentia, civibus suis leges pristinas restituit; ac postea etiam cum hoste Reipub. bello dimicans fortissimè pro illius salute occubuit: Romani etiam si quam armis provinciã Reipub. suæ adiecerant, eam summa cum modestia, gravitate, prudentia, Iustitiaque administrabãt. Tu verò, Philippe, non abstines ab iniurijs, à vi, à morte nostra, & ab interitu nostrarum legum, qui non bello, non Tyrannide, sed legitima hæreditate & jure matrimonij in tuam possessione venimus. Quapropter si jus Tyranni exercere voles, Philippe, habet illud tibi in Italia, quæ jam dudum hostico jure tibi paret: Si Rex videri, esto in Hispania, sive potius Hierosolymis: Si Monarcha, de quo jam dudum tui Hispani aruspices bonum omnem tibi retulerunt, esto ubicunque tua illa bellorum incendia miscebis: Si magnus denique Dominator, esto in Asia, esto in Africa: Nos neque hæc superbissima imperij tui nomina, neque leges iniquissimas agnoscimus in nostra libera Reipub. Nec ulla nobis societas cum Tyrannis; quin potius summa distractio est: Ducem nos ac Principem habemus; illum quidem legitimum, ac justissimis nostrarum legum cancellis circumscriptum: Talem te quoque esse & æternum fore jurabas, quùm

tu cum summa omnium lætitia ac spe ingredereris in urbes nostras, quum te quisquis cum summo honore & obseruantia reciperet & amplecteretur, Tum te coram toto populo ad sacrosancta de more Evangelia sancto juramento adstrinxisti, te rata habiturum jura majorum, nec ullam ex ijs legem mutaturum esse. Sed ne temerè libertatem nostram toties appellare, sæpiusque sermone repetere videar, dicam quæ illa sit, & quid velit. Credo enim, Illustres & Potentissimi Principes, Philippum Regē hujus memoriam jam dudum deposuisse ex omni sua cogitatione, & existimare hanc esse signum illud meretricis Tanagrææ, quod Clodius perniciosus civis Romanus libertatem suam vocabat, & quod ille illiusque Hispani omnes non simulacrum habent licentiæ, sed tanquam suarum libidinum Deam & Venerem venerantur. Ego verò in jure, legibus, æquitate, consuetudine & moribus majorum libertatē nostram sitam esse statuo: & dicam, si placet, nonnullaque eorum revocabo illis in mentem, ut & vos, Principes, cognoscatis, quæ tandem sint illa, pro quibus tanquam pro aris & focis pugnamus, & nullū mortis genus subire pertimescimus.

PRINCIPES BELGÆ;

N*Eminem ludicio præter leges, consuetudinesque urbium aut publicæ curiæ prosequuntor, cuique se defendendi potestatem per aduocatos concedunt.*

Nullum peregrinum aut exterum muneribus publicis praeficiunt.

Præfektum cum summa dignitate, auctoritateque Provincijs nullum adhibento, qui non sit sanguine & stirpe sibi coniunctus.

Ne statum Reipub. sua auctoritate per rescriptum vel edictum mutanto, nihil quicquam in ea innovanto.

Præter publicum consensum Ordinum nulla tributa exigunto, redditus suos ordinarios habento, ollisque contenti sunt.

Militem sine voluntate Ordinum in Provincias atque urbes ne ducunto.

Absque permissu Ordinum pretium monetarum nunquam variant.

Nec obedientem & noxium civem multat, vinculis, verberibus, ne coercento: ni magistratus iudicasset, interrogassetne.

Reum cujuscunque criminis à ludice condemnatum ex Provincijs ad alia suppliciorum loca ne educunto.

Salus populi suprema lex esto.

Quod si quis Princeps migrasset, si vi, iniuria, fraude statum Reipub. turbasset, Ordines atque cives omnes morè illi recusanto, à fide & jurejurando immunes sunt, Præfektum Principis loco constituunt, dum ad meliorem mentem leniusue imperium ille redierit.

Et si quæ sunt aliæ leges hujusmodi, quibus hætenus diu multumque floruerat Belgij libertas. Iam videte quæso & considerate, Principes, quæ dixi dicturusque sum de violento iniquissimoque imperio Regis Philippi, quàm illud exadverso non libertati modò nostræ; sed ipsi adeò Iustitiæ repugnet: Quanquam non sit necesse

19

cesse multa argumenta exquirere, ut ostendam, quod jam dudum probaui, Philippum leges Belgij violasse & voluisse totum Belgiū mera Tyrannide opplere, quū ex interceptis litteris Alanæ, legati Philippi Regis id manifestè certòque cognoscere unusquisque potuerit, qui scripserat è Gallia ad Principem Parmensem Belgij Gubernatricem, certum deliberatumque esse Regi suo, abrogare, rescindere omnia privilegia Belgarum; atque illum hanc legem Belgis ferre, ne alia lex ulla valeat, quàm quæ illius imperio; illiusque consilio lata esset. Ac proinde Pontificis auctoritatem imploravit, ut hic illi iurisiurandi fidem abrogaret, & sacramentum, quod de observandis legibus Belgicis præstiterat; uti hujus vanæ licentię ventis postea se totum daret in vastum Oceanum Hispanicæ Tyrānidis, quoad tecta specie quadam Romanæ Religionis & sanctitatis apud bonos Principes & omnes terrarum populos lateret tanta crudelitas ac Tyrannis. O iniustitiam prædicandam, indignumque imperio Principem & imprudentissimum! Quid enim imprudentius atque inconsideratius in imperij negotio fieri ab illo potuit, quàm velle se liberari fide & jurejurando subditis suis dato? Ita rerum ignarus est Philippus, ut non intelligat quàm arcta sit coniunctio animorum, voluntatum, consiliorumque omnium inter illum & subditos illius per mutuam fidem jurisque jurandi religionem contracta; quæ sint legum & fidei vincula, quæ colligant & vinciunt munera officiaque omnium Prin-

C 2

cipum,

cipum, senatusque & subditorum, domini & vassalli?
 Quibus enim de causis vassallus feudo excidit, jisdem
 dominum proprietate illius privari ius est: Huic vassal-
 lus nec fidem aut obsequium præstare cogitur, si ipse fi-
 dem & jura feudi vassallo recusarit. Dicebat olim Domi-
 tius Orator, *Cur ego te habeam Principem quum tu me non
 habes Senatorem?* Et non inscitè Lucius Crassus, *Ego te con-
 sulem putem, quum tu me non putas Senatorem?* Cur non &
 nos pariter dicamus una voce, *Regem Philippum non agno-
 scimus, qui nos suos ciues non agnoscit; sed pro inimicis & hosti-
 bus habet.* Quare ipsi Philippo hæc eius perfidia noxæ
 cedit, dum hoc agit, ut Ordines simul etiam liberet sua
 fide & iurisiurandi lege, ut illum non amplius Princi-
 pem habere & observare; sed ut Tyrannum, ut commu-
 nis Patriæ hostem reijcere & detestari jure queant: Ut
 enim quidam morbo aut sensus stupore suavitatem cibi
 non sentiunt; Ita dum tanta malitia licentiæque libido
 & cupiditas Philippum aliosque Tyrannos inuasit, non
 vident, non considerant, quid illis ipsis in his flagitio-
 sis iniusti imperij studijs utile quid inutile factu sit; sed
 naturæ quadam immanitate feruntur & rapiuntur ad
 quælibet scelera atque flagitia. Quanquam quo animo,
 qua voluntate, quo adfectu potuisti, Philippe, à legibus
 nostris tantum abhorre & discedere, ut earum causa
 fidem tuam, quâ omnes boni Principes sacrâ sanctam-
 que habere & tanquam omnis Iustitiæ fundamentum
 conservare solent, turpiter violares, infringeres & abij-
 ceres?

ceres? An eæ iniustæ erant & præter rationem æquitateque constitutæ? aut dignitati tuæ majestatique Hispanicæ quicquam derogabant? Atqui Cæsares, Reges, Principes, majores tui, & haud dubiè majores te & dignitate imperij & laudum rerumque gestarum splendore atque præstantia eas sibi ipsis tulerat & præscripserant; illas quidè justissimas & optimo Principe dignas, quibus universa salus omnium Belgarum nixa fixaque esset, omnis felicitas & diuturnitas Reipub. nostræ constituta fundataque maneret, ad quas magnus ille Cæsar pater tuus, cæterique omnes tui antecessores multò evigilarunt acrius omni studio & cura, quàm tu, Philippe, ad earum eversionem, perniciemque totius Reipub. Tyrannide & violentia tua contendis: Intelligebant enim optimi Principes, quod tu & omnes Tyranni negare & inficiari soletis, proprium munus bonorum Principum esse, semper meminisse, non solùm quantum sibi commissum, sed quatenus permissum sit: Et perpetuò recordari se gerere personam totius Reipub. debereque ejus dignitatem salutēque sustinere: servare leges, jura tueri: cogitare præclarum illud dictum planèque regium Regis Theodahadis, dicentis, *Quum omnia possimus, sola credimus licere nobis laudanda.* Propterea Antigonus tertius Rex Macedonum civitatibus suis scribebat, ut, si quid fortè per epistolam vel per rescriptum imperaret atque ediceret, quod præter earum leges esse videretur, ei non parerent; sed se ignorantia quadam atque errore deli-

quisse censerent. Magnum & præclarum Regem! qui ipse quum audiret dicentem fortè quempiam, omnia nullo habito discrimine honesta & iusta esse Regibus, nō minus egregiè quàm prudēter adiunxit, *Imo Barbarorū Regibus, Nobis verò sola honesta pro honestis, sola iusta pro iustis sunt*: Similiter Themistocles Simonidi roganti uti sententiā in iudicio iniustam suo cōmodo ferre vellet, *Neque tu, inquit, poëta bonus esses, si præter numerum caneres, Neque ego Princeps bonus, si contra leges quicquam statuerem*.

Vides te, Philippe, in huiusmodi factis, rebusque à te gestis omnibus coargui ab ethnicis & profanis Regibus, qui Christianus; & quidem Catholicus haberi vis? cōvinci te ab huiusmodi testibus, qui naturæ ductu ferebantur ad æquitatem iustitiamque retinendam? te urgeri omnium confessione, ut ipse fatearis te Tyrannidi studuisse ac studere? Atque ut ad alia nunc progrediar, ne hoc quidem Tyrannidis argumētum prætermittendum est, quòd ex eo tempore, quo primū Philippus Rempub. Belgarum procurare cæpit, perægrè voluerit Comitia Ordinum haberi; eos sæpè prohibuerit à consilijs, distraxerit, turbaverit, quum de publico bono, uti mos habebat, in Comitijs acturi essent: Est enim senatus ille legum, totiusque Reipub. custos, præses, propugnator collocatus, portus & perfugium oppressorum. Cui hoc negotium datum, uti curet ne quid omnino Respub. detrimenti capiat: Hunc Philippus cōire noluit, statuitque capiendum sibi aliud esse consilium: illo

senatu se sua consilia ac Tyrannidem gerere non posse. Didicerat enim hoc à Tarquinio superbo, qui in Romano imperio hunc morem consuetudinemque de omnibus rebus senatum consulendi à majoribus traditam penitus sustulerat, domesticis autè consilijs Rempub. administrabat: Et postea Iu. Cæsar quum oppressa Repub. perpetuam Dictaturam sibi vendicasset, collegia vetuit, quæ deinde Augustus reductâ ad pacem quietemque Repub. commodo publico restituit: Eademque Nero insignis Tyrannus iterum prohibuit sub sui imperij initijs. Nam Philippus non conuentus & concilia modò Ordinum; sed illa etiam nobilium civiumque omnium collegia, cætus, congressus, societatesque odio habuit, disturbavit, & disiunxit; is, qui omnium bonarum legum & morum; atque illius imprimis gravissimi Ordinis senatorij quasi parens bonus aut tutor fidelis esse debebat. Quare si vobis, Principes, res in Belgio à Philippo, perniciosè gestas enarrare pergâ, manifestè illum videbitis iniquissimum & minimè ferendum imperium concupivisse, & ad hæc consilia fuisse animi ambitione atque extremo in Belgas odio inductum. Scio me in rebus celebratissimis sermone omnium versari, eaque quæ dico, notiora omnibus esse, quàm ut mea unius lingua aut mente capi queant: Notabo tamen singulares res, Etsi nullo modo poterit oratio mea satisfacere vestræ scientiæ: Etenim nullum mihi videtur majus in terris flagitium, scelusve indignius unquam auditum

editumque fuisse, quàm illud Philippi fuit, quo conatus est non disiungere quidem aut dissipare solum; sed occidere, trucidare nobilissimum quemque ex hoc Ordine publici consilij, Tùm, quùm illi, uti paullò antè dixi, Novennales suppetias magno suo beneficio, majore aut illius studio & adfectu tribuissent; Tùm verò etiam, quùm primùm arcano consilio ille constituisset omnes Belgas ad internecionē delere, quicumque apud se suosque nefarios nostrarum rerum actionumque indagatores incidissent in suspicionē mutatæ Religionis.

Nam, ne hoc silentio præteream, priusquàm Philippus Ordines rebellionis & Læsæ Majestatis accusasset, Dux Albanus, quùm de pace Gallica ageretur, Henrico secundo Galliarū Regi exposuit cujusmodi esset illa Phil. Regis consilia de necandis non modò nobilibus ac primarijs viris; sed omnibus denique subditis suis quicumque suspecti restauratæ restitutæque Religionis purioris haberentur; Occidere, mactare voluit Philippus per seditionem aliquam civilem tot millia hominum, qui ne verbo quidem cum unquam læserant; Imo qui illius imperio summa cum benivolentia summaque cum observantia semper lubentissimè paruerant: quibus ille vix annum à discessu Cæsaris imperare & præesse cæperat, ut, si ex eo tempore, & ab hoc crudeli initio suæ Tyrannidis cursum tenere potuisset, jam dudum omnes nostro sanguine sepulti obrutique fuissetmus: Hæc ita esse, Principes, quis velstrum de rei veritate dubitet, quùm
mini-

minimè dubitavit is, quem dixi, Rex Franciæ, hoc sceleratissimum facinus impijs Philippi consilijs susceptum fuisse, Principi Orangio indicare, tum, quum ille cæteri-
que Principes pacem Passaviensem pro Philippo Rege transigerent: Neque Religionis causa Philippum talia instituisse arbitramini, Principes: Cui religio erat vivu aspicere quenquam hominem, qui omnia illius consilia non probaret: Cui religio non erat occidere tot millia civium innocentissimorum, ut eadem opera omnes etiam Belgij nobiles & magnates necarentur: Cui denique religio non fuit bello Maurorum centum nobilissimos mercatores Granatenses in vincula conijcere, & per seditionem nocturnam omnes jugulare atque occidere; non suspectæ Religionis causa, (Nam semper Romanæ vixerant) sed ob pecuniam & ingentes illorum divitias: quum ex illis qui minimæ condicionis facultatisque esset, haberet in ære & pecuniâ quinquaginta millia aureorum Hispanicorum, quæ Philippus statim suo fisco & ærario addixit. Atq; hæc de ipso Rege Philippo, capite & architecto malorum omnium, cursim dicta sunt: Nunc ad illa tempora veniamus, quæ ipsum ex his locis in Hispaniam profectum exceperunt. Tristia tempora & multis cladibus funesta! quorum memoria optimo cuique ac Patriæ amantissimo horrorem merito incuriat. Tantumne Iberis, Mauris atque Semimauris in nos juris fuisse, ut qui res, fortunas, coniuges, liberos, vitamque nostram pro Deo, Opt. Max. & pro Rege no-

istis profundere parati eramus, nullo merito nostro rebelles subito, impij atque hæretici declararemur: ac post multas vexationes iniuriasque, miseri nō ab uno aliquo Myrmillone, neque unico ictu præstrati, sed infinitis confecti vulneribus ægrè precariam animam inter infensos hostes traheremus? Age verò videamus ordine gladiatores istos, prout illos nobis temporis series ostēderit, quos Rex Philippus ad Belgij præfecturam misit ex Hispania sua, ut ij nobis afferret, non curandi periculosissimi vulneris civilis, sed illius refricandi & augendi potius exitiosa medicamēta, ex isto fraudium & malitiarum narthecio. Si enim verū est, quod Politici ajunt, ingenium Principis cognosci ex moribus & natura suorum amicorum, & eorū quos ad consilia sua ministeriaque adhibet; Videamus profectò qualis sit Hispaniarū Rex, ex ijs, qui ab ipso fuerunt missi in Belgiū Præfecti.

Quum igitur Philippus magna jam fundamenta crudelis imperij jecisset, in Hispaniam redire constituit, ut tanquam illo inscio & absente per hujusmodi administratos Belgæ quiduis paterentur.

Et primū **MARGARETA PRINCEPS PARMENSIS** Reipub. nostræ præfuit, mulier callida, & avida Hispanicæ Tyrannidis, quæ augebat quotidie varijs querelis & accusationibus Regis odium: Cui ille adiunxerat consiliorum omnium socium, & tanquā fidelem hujus itineris comitem, Cardinalem Granuellanum, ingenio hominem longè magis peruerso, fraudulen-

dulento, turbido. Hi duo, Principes & architecti tanto-
 rum motuum, Hoc totum civile bellum natum, con-
 flatum, susceptum istorum duorum opera est: Et ut He-
 lena Trojanis, sic hi duo Reipub. nostræ causæ belli,
 causæ pestis atque exitij fuerunt: Nam quod Philippo
 antea vehementiore quodam rigore violentiaque effi-
 cere difficile fuerat, hoc illi per dolos, per insidias, per
 cuniculos elaborarunt. Illi primum, quum nihil viderent
 esse, quod magis sua instituta promovere posset,
 quàm per speciem quandam Religionis quidlibet agere
 præter leges & privilegia nostra, Episcopos, novo consi-
 lio & præter morem Belgij, constituerunt, qui in maxi-
 mis præcipuisque urbibus erant tãquã speculatores qui-
 dam publicarum & privatarum rerum collocati, qui
 quid quisque ageret, quid institueret prædebant, qui
 suspectos neglectæ Romanæ Religionis statim ad car-
 ceres; inde ad atrocissima supplicia mortemque rapie-
 bant, bona eorundem & facultates omnes sibi & fisco
 adiudicabant: Quò fiebat, ut per hanc occasionem ij
 maximè tollerentur è medio, qui Reipub. operam dare,
 & Hispanorum indignis conatibus libertatē publicam
 & leges præferre videbantur. Hoc erat sanctum Philippi
 & Hispanorum institutum, hæc Religio, hæc sancta In-
 quisitio: quæ sceleribus & latrocinijis suis nomina indi-
 derant, quæ nunquam antea in Belgio nec audita nec
 usurpata fuerant, quæ, ut ignis aquæ contrarius est, sic lo-
 gibus nostris repugnabant: Quum per eas ad Religionē

gium, voluisse aliquot novas & severiores leges constituere de Religionis negotio: Verùm quùm videret hæc effici sine maxima Reipub. nostræ mutatione, & detrimento non posse, atque intellexisset ea omnia nostris legibus contraria, aduersaque esse, destitit ab incæpto consilio optimus parens, & conservator Patriæ nostræ; salubribus autem Ordinum consilijs rem omnem in-
fectam reliquit: quùm hi sæpius demonstraſſent, quare illa citrà legum & privilegiorum nostrorum noxam exitiùmque statui non posset. Vt, quantum studium, quæ cura fuerit huic optimo Principi nostro seruandi potius, & procurandi publici boni, quàm nocendi, non nemo manifestè cognoscat. At Philippus mortuo Imperatore hæc prima instituta, consiliaque Inquisitionis jam dudum omiſſa abiecta, tanquam præſens aliquod suarum fraudum & insidiarum fundamentum, ita statim in medium retulit & adornavit, ut uno impetu totum nostræ Reipub. statum velle novis, & perniciosissimis suis legibus subvertere videretur: Ille contemptis Ordinum nostrorum cōsilijs, rationibus, rogaſionibus, spreſiſque legibus nostris ita fieri voluit atque im-
peravit; Vt primùm novem Episcopi crearentur maximarum urbium: Hi imminuto multorum Abbatum redditu, labefactatis abrogatiſque legibus & privilegijs majorum gentium, atque imprimis Cameracenſis & Leodicenſis, Episcoporum, magnificentiùs & splendidius viverent: Præterea his ſingulis à conſilijs adiungerentur novem alij hujus ordinis & ingenij homines, Canonici:

Ex illis verò tres potissimùm exquirentur viri austeriores & crudeliores, qui Inquisitioni sedulam, assiduamque operam impèderent, Et, quod longè est pejus, longèque indignius nostra libertate, isti Episcopi non tantum interessent Comitij Ordinum, sed in iisdem suffragij quoque prerogativam haberent: Ita possent faciliè hi turbatores quietis tranquillitatisque Belgicæ, optimis & saluberrimis legibus consilijque Ordinum contradicere, ijsque tantum derogare, quantum Philippo Regi visum esset: possent etiam indicare Hispanis, hostibus nostræ patriæ, quicquid deliberarent Ordines: Neque enim ea mente & voluntate Philippi constituti fuerant, & admissi ad hæc Comitia, ut quæcumque salutaria consilia haberentur, ea illi probarent, vel, si quid ipsi possent statuere & suadere, quod è republica foret, id communis boni salutisque causâ facerent: sed ut per illos Philippus turbaret consensum nostrorum Ordinum, unanimemque consiliorum voluntatem, & alia consilia subministraret, quæ suæ Tyrannidi potissimùm seruirent. Iam igitur satis intelligitis, Serenissimi Principes, quapropter hoc novum Philippi institutum refugere & detestari Ordines debuerint, & quomodo illud legibus institutisque nostris repugnarit: Quanquam vel eo solum nomine iisdem prorsus aduersum fuerit, quòd, quia exteri quique, cum Hispani, tum Itali hoc instituto in Episcopos eligi statuique poterant, videbamus, audiebamus quotidie in Comitij consilijque nostris colluviem istâ

per-

31

peregrinorum hominū, longèque alienorum à gente
& natura Belgarum, quod ne fiat unquam in Belgio, le-
gibus nostris ità cautum prohibitumque esse paullo an-
tè diximus; ut Principibus nostris non liceat ullum per-
egrinum ad munera publica consiliaque adhibere. Hoc
altu, & dolo Philippus studebat ingerere in Rempub.
contrarias leges, nostras abolere, suas substituere, no-
vum sibi senatū habere in consensu Ordinum; siquidem
istorum consilijs & opera ad Tyrannidem suam uti non
poterat. Caterū nolo præterire crudelitatem & rigo-
rem illum incredibilem novi hujus instituti, quē quo-
tidie exercebāt tres isti Inquisitores: & ostendam, quare
præterea hæc Inquisitio legibus nostris privilegijsque
adversetur. Videbas quotidie tres illos Iudices Interna-
les secretum à reliquis magistratibus urbium, Provinci-
arumque tribunal exercere: contemptā publicā magi-
stratus auctoritate, novā judiciorū formā reos prosequi,
accusare, condemnare: nullum, ne vel exiguum aliquod
defensionis genus his concedere: nullam provocatio-
nem ad magistratus superiores permittere: per se suo
solius judicio animique adfectu grassari per inaudita &
insolita supplicia, in corpora, vitāq̃ tatorū, hominū, qui
vel per somnum sibi in mentē venerant violasse aut ne-
glexisse Religionem, vel quos per consceleratissimas
fraudes, & deceptiones ipsi induxerant, & pellexerant in
hanc suspicionem mutaræ Religionis. Nam solebant
quotidie subornare & emittere bibliopolas cum libellis
scrip-

scriptisque suspectæ Religionis, ad nobiles, & proceres
 Provinciarû; vt, si hæc emissent, statim illi tanquã hære-
 seos, falsæq; Religionis rei accusarentur & condânaren-
 tur: Haud lecus quàm ut de Hyæna, sævo illo & crudelis-
 simo animale accepimus, quod, ut homines, pastores-
 que pecorum è syluis & latebris ad se alliciat ac vocet,
 posteaque devoret, suo solet ejulatu eorundem voces &
 clamores imitari. Hoccine est, Illustrissimi Principes,
 Religione pietateque ad Tyrannidem non abuti? Hoc-
 cine est statum Reipub. non mutare, aliena à legibus
 præterque auctoritatē Ordinum in eâ nō innovare quæ
 Philippo visa fuerunt? Hoccine est noxium civem mul-
 cta, vinculis, verberibusque non coërcere præter leges
 patrias, præterque auctoritatem magistratus? Hoccine est
 denique reū iudicio contra leges consuetudinesq; urbi-
 um, aut publicæ Curix non prosequi, cuique se defen-
 dendi potestatem liberam nō denegare? Si interea dandum
 est Philippo ac Pontifici, quod sanè inficior, Religionis
 mutatæ causa tantam crudelitatem sævitiamque exer-
 cendam fuisse in Belgio: Si negandum est, quod infiniti
 adfirmant, plurimos Belgas crudelissimè necatos fuisse,
 qui, præter Religionem Romanam, nullam aliam agno-
 scebant, quique ignorabant, qua de causa mortis con-
 demnati essent, quum nihil unquam in istas Inquisitio-
 nis leges commisissent. Sed quia in hoc argumento,
 Principes, querelæ omnes & accusationes Philippi ad-
 uersus nos institutæ maximè versantur, ut se nō tantum
 hanc

hanc Inquisitionis institutionem : verùm etiam hoc diuturnum bellum, incendia, cædes, ad hæreseos eversionem, ad curam, defensionemque Romanæ Religionis, tanquàm præsentem medicinam adhibere profiteatur ; attendite diligenter quæ paulò fufius hac de re dicturus sum, ex quibus satis apertè intelligetis, quanta illius malitia, quis astus, quæ simulationes, quæ hypocrifes lateât in illo Catholicæ Religionis nomine, & quàm cautè & callidè sua Religione abutatur Philippus. Scitis olim labenti imperio Romano, Cæsares sibi ipsis usurpasse & in titulis nomen, & in rebus gerendis auctoritatè dignitatemque maximorum Pontificum : Nunc verò videtis Philippum, ad augendum stabiliendumque imperium suum, remis velisque conniti, ut, si non vanum & inane nomen atque titulum Romani Pontificis sibi adscribat : at profectò voluntatem, auctoritatemque illius sua voluntate, cōsensu, studiisque omnibus circumscribat atque determinet : Vt, quod olim gravissimus, longèque præclarissimus Poëta Virgilius dixit, Augustū Cæsarem cum Deo divisum imperium habuisse, id nos verius de Philippo dicemus, Hunc cum Pontificis Romani magno illo imperio suum ita arctè strictèque coniunxisse, sua consilia & voluntatem, illius consensu & suffragiis ità firmasse & stabilivisse, ut quicquid ille velit, hic approbet, permittat, jubeat : & dicas potestatem illam, dignitatemque Romani Pontificis nihil aliud re vera esse, quàm Oraculum quoddam Delphicum, quod

Philippizet. Appetat enim regna aliena Philippus, copiosa, opulenta, sibi que apposita: indicet, scribat Pontifici ac Senatui isti Cardinalitio; Religionis violatæ aut neglectæ causa velitis, jubeatis, uti Rex Galliarum, vel Regina Angliæ in Regnis suis non sint, Belgarum privilegia & leges euertantur, illi supplicij enecentur, bona eorum occupantis, id est mea sint: Annuet statim magnus ille Iupiter, & tanquam virgulâ diuinâ, roganti Philippo horum omnium possessionem porriget: Atque hæc satis æqua causa belli violentiæque exercendæ, & inuadendi vicina atque opulentissima regna vestra, & jura nostra illis videtur. Nam negare, aut recusare Pontificem & Cardinales Philippo id posse arbitramini, quum ea lege creati sint plerique Cardinales, ut Philippi consilij ac petitionibus suffragari, ijsque nunquam, vel rarò contradicere debeant? Vera dico, Principes, & ipsi scitis hæc ita esse: Philippum non commendare modò verbis, sed deligere ipsum sibi hujusmodi viros in numerum illius Senatus Pontificij, qui ipsius imperium, conatus, iuuare suis consilij, atque operâ spondeant: Illum infinita munera; ne dicam annua stipendia in multos Cardinales conferre: Illum Pontifici sæpè, & Cardinalibus minari offensiones & iras suas, palam dictitare, se alios antistites Romanæ Religionis requirere, si, quod ipse ad Tyrannidem suam constituendam deposcit, illi detrectent. Vult enim recondi & abscondi Pontificio ac Religioso nomine omnia sua scelera, inuisiones, extorsiones, cades,

38
cædes, Tyrannidem, & edicto, suffragioque Romani Pontificis probari: quippe cui nefas sit quenquam contradicere, quum illius tanta sit auctoritas atque dignitas, ut omnis Christianæ Reipub, felicitas, omnium hominum salus, vita, libertas, aræ, foci, bona, fortunæ, illius sanctitati, fidei, potestatique commissa creditaque esse videantur. Sixtus quintus, & Gregorius quartusdecimus Pontifices, ex Mausoleo Trajano bruta illa proscriptionum fulmina ejecerant in caput, regnum, possessionesque omnes Regis Franciæ, postulante has futuri belli causas Philippo: cujus insidias & fraudes quum postea Sixtus quintus Pontifex cordatior intellexisset, revocavit proscriptionem, odia, inimicitiasque; adeoque huic Galliæ Regi contra Philippum multum favere visus est; quod illi non invidiam modò, & extremum odium Hispanorù omnium, sed extremum etiam diem conscivit. Et ante biennium curaverat Philippus per hunc Pontificem, veniam dari delictorum omnibus Christianis hominibus, per aliquot annorum millia, si pro pace Gallicana per horâ unam atque alterâ, flexis genibus, ad aras templorum Deum precarentur: Nec tamen pudebat interea prohibere, vetare, interdicare, ne Pontifex audiret legationes Cardinalis Gondi, Marchionis Pisani, Ducisque Niversij, pacis Gallicanæ causa institutas: jubere autem, atque imperare, ut Legatus suus Româ tanquam hostis subito discederet, simulatque isti legati ob pacem ad Urbem venire permit-

36
terentur. Verum quod tandem fuit illud Philippi faci-
nus, & confceleratissimum consilium, quo nuper ex tot
tantisque præteritis insidijs, & testis in Galliam coniu-
rationibus, se in apertum latrocinium, fædissimumque
parricidium coniecit? quum illius & reliquorum coniu-
ratorum cōsilijs, & operâ subornaretur sacrificulus, qui
religiosa veste indutus, amico & familiari vultu, sine
ulla ira aut perturbatione, nullo metu perterritus, culte-
lum defigeret in corpus magni Regis Franciæ, quum ta-
men is ad finis esset Regis Philippi: Atque hoc tam hor-
ribile scelus Parasiti Hispanici specioso nomine appella-
runt, *Idolum calo datum*: Homicida vero iste, & latro Regij
capitis insuper etiam in numerum sanctorum relatus
est: illius ad fines, & propinqui ex pulvere & sordibus
educti, & ad titulos honoresque Cardinalitios Philippi
commendatione & opera provec̃ti sunt. Ita illa labes, &
flamma Christiani orbis suum illud pestiferum & fune-
stum imperium, quod æquitate humana tueri non po-
test, fucata Christianæ Religionis, & Catholici nominis
specie solet defendere. Sed dicam bona venia, Princi-
pes, nec calumniâdi studio, sed pietatis, veritatisque pro-
fitendæ animo exponam vobis, quanta scelera, parrici-
dia, libidines, vitæ etiam illius privatæ inhæreant, quæ
omnia Catholico, & Religioso nomine inuoluta, pro
sanctis, pijsque factis habentur. Vt filiû ac legitimû suc-
cessorem tantis Regnis suis relinqueret, potuit sancta, &
pia licentia crudelissimè occidere filiam & sororem Re-
gum

gum Galliae, uxorem suam legitimam & propriam, atque ejus loco postea neptem suam, cui ille avunculus erat, in uxore ducere: Licuit praeterea Philippo per Pontificem, sancto scilicet instituto, occidere filium suum, Principem Hispaniae Carolum, quod libertati Belgicae legibus nostris favere, quod mortem occisionesque multorum principum virorum non omnino probare videretur, quod has Provincias suas esse, sibi que muneri datas in sacratissimi lavacri celebratione diceret: Licuit etiam Philippo duas uxores, Reginam Portugallensem, & Dominam Isabellam Osoriam uno eodemque vinculo matrimonij habere. Et quae nota domesticae turpitudinis non iniusta vitae illius est? quod privatarum rerum dedecus non haeret in fama? quae ille omnia venerabili & pio Catholici nominis praesidio armare solet: Ille alios ad pietatem, ad Religionis cultum vocare, cogere, coercere? Ille pro suis Religionibus bella suscipere contra omnium Religiones? Ille totius Galliae, Angliae, Belgij, atque universi Orbis bello, supplicijque inauditis & crudelissimis suas religiones expiare potest, qui eas ipse tantis sceleribus contaminat? Quod si igitur jam satis intelligitis, Principes, Philippum nihil de Religione Romana conservanda aut colenda unquam decernere, quod non sub specie quadam pietatis, ad defensionem scelerum suorum, ad iniusti & ambitiosi sui imperij propagandi & dilatandi occasiones conferat, Quomodo tandem existimatis Belgas ejusmodi crudelitatem lon-

gius ferre, atque perpeti potuisse, qua omnes, cujuscumque condicionis aut dignitatis viri essent; ipsique adeò primates & nobilissimi quique, tanquam animantia sermonis ac rationis expertia, ob falsas & iniustas Religionis prætermisæ accusationes quotidie mactabātur, cum applausu & gaudio omnium Hispanorum; ut priuilegia, ut leges nostræ, utque libertas ipsa interiret, & periret cum eorum vita, qui hæc defendere & conseruare contendebant? Hæc ferenda nobis Tyrannis erat, Principes? Hæc Religio habenda? Hic fucus pietatis cum interitu libertatis & vitæ nostræ seruandus & probandus? Qua propter ipsa tandem aliquādo necessitas, salusque omnium postulabat, ut in his gravissimis casibus, Ordines opem laboranti Reipub. ferre inciperent, resisterentque crudelissimis incæptis Barbarorum hominum. Neque verò adhuc de vi, de armis, de bello cogitant: sed patientes iniuriarum supra quàm cuiquam credibile est, rationis & juris viam incunt, summaque cum modestia per libellos supplices Parmensem rogant, obtestantur; si Rempub. saluam esse velit, ut omittat novum, & incredibilem hujus Inquisitionis rigorem, & remittat aliquātum ab illa extrema sæuitia suppliciorum. At hinc contemnuntur, cum conuiitijs & calumnijs repelluntur, *Mendici* vocantur: Qui? ij mehercule, qui, propter libertatē publicam, propter jus Patriæ, id postulabant, quod summo jure debebatur: A quibus? ab ijs scilicet, qui nec dignitate generis, nec abundantia divitiarum multò superio-

39
periores, at virtute animi, consilio, probitate, longè inferiores erant magnis illis viris, & Patriæ defensoribus: At subditi, inquis, erant? Quid tum? an quis bonus unquam Princeps spreverit, & contempsit orationes, petitionesque subditorum? Imò verò Rex Artaxerxes Mnemon, Cyri frater non tantum omnibus, qui quicquam ab eo poscerent, lubentissimè vacabat, sed uxorem in via jubeat pilenti aulæ dimovere, ut posset ab ijs, qui vellent, commodè compelliari: Titus Vespasianus dicebat, se diem amisisse, quum in dies non adfecisset aliquem subditum beneficio. Sed concedamus hoc crimen execrabili, & pudendo fastui, superbixque Hispanicæ: Consideremus quanto potius discrimine laborarit Respub. quum nec diuturna patientia, nec preces modestissimæ Ordinum mitigarent tantam libidinem atque licentiam. Nam instant hi ipsi optimi libertatis cives, & procures: ferè singulos Hispanos, quicumque inter eos aliqua autoritate emineret, accedunt, indicant ijs adfectum Reipub. statum, orant, uti ipsi velint Parmensem, Regemque consilij ac litteris edocere, quàm turbidus civilium dissensionum nimbus maximas calamitates minetur florèntissimæ Reipub., nisi is clementia aliqua moderetur tantæ sævitix & sanguinis effusioni, tot tantisque exilijs, & proscriptionibus. Sed quum tandem hoc etiam modo nihil agerent, ad ipsum Regem mittunt legatum, Comitem Egmondanum, qui & litteris Ordinum & verbis exponat Regi, quo pacto se Respub. habeat: Cui Rex coram verbis

promittit, addicitque, facturum se uti omnia salva sint, & ex voto omnium Belgarum: litteris verò huic ipsi Legato datis, lōgè crudeliora Ordinibus minitur. Postea verò, quum Cæsar Maximilianus II. & omnes S. Imperij Principes, provocati & rogati à Belgis ad hoc beneficiū, pro ipsis apud Philippum Regem, & Hispanos, de pace sarcienda firmandaque agerent; responderetur, uti proprias res cūrent; Regem scire quemadmodum subditis suis imperare debeat. Omittamus hæc levia, loquamur potius ea, quæ robustioris improbitatis sunt: si tamen leve est, tanto cum fastu respondere Imperatori, spernere auctoritatem, commendationesque tantorum Principum: si leve est Principem virum, legatum populi Belgici contemnere, vanisque promissis lactare. Quum interea Ordines vident augeri, & in immensum excreescere crudelissima Philippi imperia, rogant Parmensē, ut illius voluntate auctoritateq̃ secundo ad Regē mittantur Legati; mittantur autē Marchio Bergensis, & Dominus Montignys: ut illi quoque tentent orationibus precibusque delinire, & commovere tantum crudelis animi stuporem, qui Regem penitus oppresserat: At quid fit Legatis? an, uti mos est, honore aut munere aliquo adficiuntur? an illis respondetur? an conceditur quod petebant? aut, si illud ipsum aliquo jure negari poterat, an honestè tamen dimittuntur? Quid? Marchio veneno tollitur, Montignys Mottá Medinam abducitur, supplicioq̃ publico capitis adficitur. Occidun-

44

tur Legati populi Belgici, Occiduntur viri illustres, optimi Patriæ cives: Neque jam amplius jura civilia Rerum pub., sed naturæ leges, Gentium jura infringuntur, & conuelliuntur ab Hispanis. Quid est quòd plura loquar? quòd demonstrare pergam, cur iusta & pia sint arma nostra contra Philippum? quandoquidem hoc unum scelus, hoc flagitium dignissimum profectò sit, ut non modò nos ipsos bello defendamus, sed ipsum illum immanem Tyrannum opprimamus aliquando in suis illis Hispaniæ regnis: Hæc enim consuetudo, hoc jus belli universis mundi populis, ab ipsa natura, ab ipso Deo immo: tali concessum esse videtur. Legatus populi Romani si aliqua ex parte violatus esset, nisi fuisset publicè satisfactum, ei civitati à Romanis bellum indici solebat: Quòd enim eorum Legati etià appellati superbius, Corinthum everterant: Et Legatis suis Fidenis occisis, jubente id facinus Laërte Tolumnio, Rege Vejentum, statuas in Rostris posuerunt, statimque bello infestissimo affligerunt urbem, populumque Vejentum: Iidem Tarentinos calamitosissimo bello sub imperij sui jugum redegerunt, quum Legatos suos contempsissent paullò lascivius. Sed transimus antè pedes posita, & alia longè remota sumimus. Quòd enim nostra ætate Fregosius, & Rinco, Legati Regis Francorū occisi sint, connivete, vel annuente potius ad immane facinus Imperatore, tota penè Europa bello cōflagravit: Romani enim suo olim exemplo, factoque prudentissimo ostenderant, quid in

isto detestando scelere Imperatorem facere oportuisset,
 Quum illi Manlium, & Minutium, & postea etiam Fa-
 bium, atque Apronium, victos hostib. traderent, quod
 paullo levius violassent eorum Legatos, sicuti cavetur
 fieri jure Feziali. Atque hoc jus Legatorum cum homi-
 num praesidio munitum, tum etiam Divino jure vallatum
 esse sacrae litterae, monumetaque attestantur: Nam certo
 scio neminem Principem, majore cum severitate vindicasse
 mortem, vel iniuriam suis Legatis illatam, quam qua Rex,
 & Divinus Dei vates David, Hannonem Regem Am-
 monitarum ultus est, quum ad infamiae notam, ipsius
 Legatis barbam, ungues, vestesque praescidisset: Quanta,
 Deus bone, supplicia? quanta caedes, quam atroces, quam
 inaudita hujus sceleris causa edita? Sed dies me defi-
 ciet, & ut Aulus Varius, qui est habitus iudex durior, di-
 cere solebat, quum datis testibus, alij tamen citarentur,
 aut hoc testium satis est, aut nescio quid satis sit: sic a me
 satis exemplorum dictum est, ut probeam, quam indi-
 gnum Principe & quovis homine sit, publicum Lega-
 tum occidere, dignumque sit huiusmodi scelus bello &
 morte ulcisci: Tale enim Legati nomen esse debet, quod
 non modo inter sociorum jura, sed etiam inter hosti-
 um tela incolumem versetur: Id tamen si quando con-
 tigit, ut Barbari quidam homines, atque Principes, neces-
 sitate, vel aliqua causa alia in haec consilia inducti Legatos
 suorum hostium occiderint, hoc clam & per teetas frau-
 des fieri curarunt: At Philippus, hic immanis totius Eu-
 ropae

repæ Tyrannus (neque enim amplius me continere possim, quin ita illum appellem) Philippus Legatum subditi, non hostilis populi, publicâ judicium sententia condemnari, palàm à carnifice obtruncari jussit; ob eam causam, quod ad eum venisset cum supplicatione pro salute Patriæ, cum legatione Belgarum. Hunc Belgæ Principem amare, diligere, obsequare potuerunt? Hujus imperijs obsequi voluerunt? Quid? Illi nihilo minus, tanquàm obliti omniû iniuriarum, & quotidie, & summa cum expectatione desiderabant illius adventum, illiusque præsentiam maximo desiderio concupiebant: Nam per litteras sæpius, & per legatos aliquoties id à Rege seriò postulatum fuit, ut ipse aliquandò rediret in Belgium, ipse videret qua voluntate, quo animo paratus quisque esset ad justa illius, & honesta imperia suscipienda & servanda, ipse restitueret & constitueret, si quæ Præfectorum severitate, vel malivolentia minus rectè tractari potuerant, ipsius denique sua modestia & benivolentia restauraret, & in meliorem ordinem reponeret, si quæ suorum subditorum negligentia & incuria concidissent, præterque voluntatem suam accidissent: Et tandem huc usque nostri Ordines Regem suis precibus commovisse semel atque iterum crediti sunt, ut se in Belgium reversurum, & hæc omnia facturum sit pollicitus. Tum verò quanta lætitia perfusi omnium animi? quâto studio, & voluntate Ordines expectarunt Regem & Principem suum? quantæ pompæ & apparatus nobi-

lium omnium fuere? quanta alacritas & gaudium universæ plebis? Et súptus istos infinitos & immensos quis recenseat, quos universa Respublica mirâ liberalitate, & maximo animi adfectu, lubenterque profudit, in instruendis & adornandis duabus classibus; ut unâ earum persona ipsius Regis, Regijque comites, ministri & milites veherentur: eaque in Hispania jam dudum omnibus rebus copiosè referta & parata in ancoris stabat, ad nutû arbitriumque Regis: altera verò in Zelandia expedita, ut Regi obuiam progredereetur ad maiorem tutelam & pompam, expectabat, quoad primum ille naves conscendisset. Tantum fuit omnium Belgarum in Regem studium, tanta benivolentia, tamque singularis in illum voluntas, ut licet tot malis & iniurijs, illius imperio exagitati, tot tantisque Reipub. periculis, illius jussu & mandato turbati consternatique fuissent: tamen illum videre & adspicere in Patria, in Reipub. sua, illum excipere, amplecti ulnis suorum beneficiorum magnoperè desiderarint, quem quotidie absentes omni obsequio colebant. Exposui ferè, uti potui, quæ in Principis Margaretz præfecturâ gesta sunt. Nunc de D V C E ALBANO pauca etiâ erunt dicenda. De quo primùm hoc dicam, quòd, quemadmodum de Hannibale Carthaginiense proditum est memoriæ, quòd is puer adhuc novem annorû, ad aram patri suo juravit, se semper hostem fore Romanis: ita hic Albanus à natura genitus videbatur,

45

tur, atque educatus in odium, perniciemque nostrā. Hic enim non ut alij, velut Prorēx, vel Præfectus quidam in Belgium venit, sed tanquam hostis, cum armata manu fines nostros ingressus est, cum ingenti exercitu Hispanorum, aliorumque militum veteranorum, evocato è Regnis & præsijs Siciliae, Neapolis, & Mediolani: Cui Rex in mandatis dederat, uti strenuè pergeret turbare, & invertere omnem Reipub. nostræ ordinem: clam & palam occidere, quicumque suo imperio obstaret: trucidare eos, qui tantillum negligerent Romanam Religionem. Hunc Philippus præfectum, & cum hujusmodi imperio gubernatorem Belgio præfecerat, quantumvis etiam is Regi nulla sanguinis affinitate coniunctus esset, qualem leges nostræ præfectum requirunt: Hunc Belgæ maximo cum honore & dignitate, maxima cum obsequantia, & obsequio exceperunt, ad civitates suas, & Rempub. admiserunt, quum à Rege, à Principe suo hujus curæ atque tutelæ se commissos traditosque esse intelligerent. Sed ut primùm Albanus Belgij urbes est ingressus, paratus deicere nos in omnem casum humanum, in quo nomen poni solet calamitatis, longè alia ratione voluntatem, imperiumque Regis procurare cepit: Statim ille omnes magnates, proceres atque nobiles proscripsit, dispulit, eiecit ex universis Belgij Provincijs, qui vel in libello supplice nomina dederant, vel se in illius consilij, de defendēda libertate Patriæ, societatem, tanquam in equum Trojanum cum principi-

F 3.

bus

bus viris includi passi fuerant. Et licet Margareta Parmense imperante, infinita hominum multitudo per Episcopos & nouas leges, Religionis causa, igne, furcis, aqua, gladio periisset: tamen ea via & modus non est illi visus sat bene constitutus, quin alius haberi posset, quo plures occideretur. Itaque alium Senatum instituit, qui praeisset condemnandis & mortis supplicio adficiendis omnibus ijs, qui Religionis & rebellionis suspecti viderentur, Hoc vocabant proprio nomine, *Sanguinis consilium*: Quo quanquam adeo per omnium jugula & vitam grassaretur, ut totum penè Belgium brevi velle videretur implere sanguine innocentissimorum hominum: tamen satiari non potuit crudelissimus Albani animus, nec restingui illa diuturna sanguinis sitis: Nam tunc dum sat sanguinis humani effusum existimabat, quum octodecim millia hominum interiissent, quos se gloriabatur solis vinculis, verberibus, gladijs, atque omni supplicio carnificum excruciatos necavisse: Vt sane opiner ego Albanum, Felicis nomen sibi parare crudelitatem voluisse, dum eam sibi tanto honori & laudi tribuit, quanto L. Sullam in Triumviratu sibi vendicasse legimus, quod quatuor legiones aduersarum partium, quae se illius fidei in publica villa dederant, iussisset obtruncari, aliaque ejusmodi crudelia & atrocia facta edidisset. Sed inter res praeclare Albani auspicijs aut ductu gestas, de quibus tantum gloriatur, illud potissimum celebrat, quod in duos magnates, Comitem Egmondanum, & Horna-

num, aliosque nonnullos illustriſſimæ familiæ nobiles, falſo
rebellionis crimine condemnatos, gladium carnificis
Bruxellis ſtringi curaverit: Quæ tùm ſupplicia, quàm
acerba Patriæ? quàm gravia bonis omnibus? Hæc autē,
quæcumque loquor, ac deinceps loquar, de Albano; aut
quovis alio Præfecto Belgij, ita habere Principes, ut ni-
hil eos inſtituiſſe, nihilque ab ijs factum eſſe exiſtimetis,
cujus rei non modò conſcium Philippum, ſed autorem
non habuerint: Ibant enim, & redibant quotidie ex Hi-
ſpania, & Belgio ultro citroque tabellarij, & nunciij ho-
rum conſiliorum omnium: Et niſi Regis voluntate au-
toritateque hæc omnia facta geſtaque fuiſſent ab his
Præfectis & conſiliarijs, non adſeciſſet ſanè eos majore
honore, dignitate, & munere, tanquam in rei bene geſtæ
laudem, poſtquàm eos ex hiſce Provincijs ad ſe vocavit;
Cardinalem Granuellanum, Viceregem Neapoli con-
ſtituit: Albanum Portugalliæ Regno præfecit, & tan-
quam patrem ſuum obſervavit: Ut ipſum Albanum ſo-
teri certò ſciam, ſui Philippi juſſu imperioque exegisse
ſe per vim atque arma iniquiſſima, à nobis tributa de-
cimarum & vigesimarum: Vbi non tantum à conſenſu
Ordinum, ſed verò ab ipſis legibus & ratione diſceſſit,
quoniam quicumque hiſce exactionibus ſuis opponeret
verbum aliquod libertatis, atque legum Reipub., eos ſta-
tim mulcta & morte coerceret. Nā illud inſcio quidem
ſuo Philippo ſua ſoliſſima auctoritati conceſſit, quòd con-
ſulem Amſterodamenſem, iſtis ſuis iniuſtiſſimis tribu-
tis

tis aliquid obmuffitantem emunxerit multa aureorum
 bis mille quingentorum : Sed hoc ipsum fatetur Alba-
 nus esse in suis fraudibus, veniemus ad splēdiora : Cru-
 delitatem quæso hominis, vel, ut dicam verius, effera-
 simæ belluæ attendite. Gustaverat jam antè civilem san-
 guinem Albanus, quem postea havebat plenis etiam
 faucibus haurire, & huic libidini suæ destinaverat septē-
 decim primorum Bruxellæ civium jugula, quos ille ci-
 ves non aliam ob causam, nisi quod istis iniquissimis
 exactionibus vel verbo restitissent, una nocte strangu-
 lari omnes jusserat : Et videte quantum studium, cogita-
 tiones, tempus poneret Altanus in supplicijs exquiren-
 dis & ordinandis, quum ille, tanquam bonus carnifi-
 cum magister dictaret, quæ potissimum supplicijs ser-
 virent instrumenta, quomodo aptari illa & componi
 vellet : dixerat enim magistro Carolo carnifici, uti para-
 tas haberet septemdecim cordas, strangulandis istis,
 quos dixi, civibus : haberet totidem scalas, decem & du-
 odecim pedum longitudine, & de nocte id facinus exe-
 queretur : quanquam ab hoc supplicio destiterit Alba-
 nus, quum rebis omnibus jam constitutis, milicibusque
 ad tutelam rei & securitatem paratis, superveniret tabel-
 larius nunciatum, à nostris hominibus Brilam urbem
 recuperatam esse. Haud multò post, tanquam in hostili
 agro versaretur, crudelissima bella exercuit, præcipuas
 urbes obsidione cinxit, invasit, calamitosissimis incen-
 dijs, de prædationibus, horrendis caedibus vastavit, ever-
 tit &

49

tit & exstirpavit: Non pacta, condicionesque ullæ, quibus pleræque urbes fidei illius traditæ sunt, illum avertere potuerunt à crudelissimis latrocinijis, & inauditis sceleribus. Quùm Nardeznum urbem cepisset, primùm quadringenti cives è domibus in curiam evocati, tãquam in loco publico audituri, quod bona fide pepigerant cum hoste, vitam & bona salva fore, omnes interfecti sunt; Inde milites Hispã effusi in omnes libidines, & latrocinia: mulieres, viduæ, virgines honestissimæ constitutæ primùm, deinde interfectæ: pueri, infantes innocentissimi, qui ejulatu atque lacrymis commovere rabiem crudelitatis debuerant, hastis excepti, divulsi, dissectique fuerunt: Quæ profectò omnia tam horrenda, tamque indigna exstiterunt, ut in dies adhuc omnes gentes exhorrescant ad hujus rei memoriam. Ecquæ tandem est illa inhumanitas, quæ feritas, qua Harle-mum, aliasque urbes oppressit, & sanguine civili opplevit? Adeste Phalarides, accurrite Busyrides, Sullæ, Neron-es, Domitiani, Caligulæ: Adspicite, miramini, obstupescite sævitiam Albani: Annon illius magna crudelitas & vis erat, cujus nullum membrum flagitio aut scelere vacabat, lingua fraudis & perfidiæ plena, manus cruentæ, pedes celeres ad exitium & interitum Reipub., quæ honestè nominari nequeunt, inhonestissima? Sed ne fortè ex multis rebus gestis Albani, rem unam pulcherrimam transfiliat oratio, Quem potes recordari in vita tibi, Albane, illuxisse diem latiore, quàm quùm

occisis per insolita & exquisita supplicia, tormentaque tot millibus innocentissimorum hominum, iniecto jam omnibus Belgis maximo Tyrannidis tuæ metu, dissipato concursu omnium nobilium cum Principe Orangio, trans Mosam flumē, Antvverpiam redijsti, & statuam illam tibi ipse erexisti, monumentum Tyrannidis tuæ, omniumque Hispanorum? Arrogantiam hominis & insolentiam, quæso, cognoscite, Principes: Statuam sibi posuit Albanus in medio castris Antvverpiensis, formā quidem ejusmodi, uti erectus ille pedibus conculcarer, atque conterer terga Ordinum, populi-que Belgici ad terram prostrati: Has sibi statuas, hæc trophæa ipse nemine decernente erigi insanus victor curavit. Quid erat reliquum, nisi ut Triumphum insuper se dignum ageret? ut sedens in paludamento sanguine civili tincto veheretur: ut publicus minister coronam recenti cruore madentem, stillantemque porrigeret: duceretur vincli ante currum pupilli, & viduæ Belgarum: præferrentur in spiculis infantium corpuscula, & capita tot innocentissimorum hominum: ostenderentur simulacra incendiorum, depopulationum, vastationum, atrocissimarum cædium & occisionum; Currus verò Triumphalis ageretur per cadavera nostrorum Ordinū, ac Patrum Patriæ: Deinde sequerentur hunc insignem Imperatorem, tot millia licitorum, carnificum, tortorum, sicariorum, cum strictis gladijs, virgis, funibus, fustibus, vinculis, & tormentis. His ergo tot iniurijs

31
& calamitatibus provocati omnium Provinciarum Ordines, ea, qua dixi, animi fortitudine, & consensu decreverant profundere & vitam, & facultates, possessionesque omnes, pro vindicanda salute libertateque communi Belgarum: Tametsi, ut sapientem & bonum quemque civem semper decet, initia belli civilis inuitum suscipere, extrema non lubenter persequi; ita illi ægrè admodum, & coactè arma sumplerunt: quippe qui videbāt nullam aliam viam superesse, ad effugiendam ignominiosissimam mortem, servitutemque detestabilem Hispanorum; Non litteris, non precibus, non legationibus suis: Non tuis, Imperator, Non vestris, potentissimi & serenissimi Principes, intercessionibus ullum locum dari, tantum sola arma reliqua esse, quibus à suis cervicibus possent servile jugum deicere. Vt si cui igitur naviganti, quem prædones insequuntur, quis dixerit, eijce te de navi, præsto est qui excipiat vel Delphinus, ut Arionem Methymnæum: vel equi illi Neptunij, qui aliquando per undas currus suspensos rapuisse dicuntur, excipient te, & quo velis perferent; omnem omittat timorem: Sic urgentibus tot asperis & infinitis malis, Ordines Deo freti confugiunt ad arma, in ijsque ponunt solam spem recuperandæ libertatis: quam statim ab initio augere & excitare cæpit, sumum illud & cæleste Numen, quum & Brilam cepissent & Vlissingam, aliaque Belgij propugnacula, & præclarè cum animi magni virtute rem gessissent, ut jam sedatiore nisu Hispani pro-

gredi in illo Tyrannidis suæ stadio inciperent, atque adeo lubornarent nonnullos, qui à se Belgis pacem promitterent, si eam ipsi vellent supplices à Rege deposcere. Ità nostri, quòd labefactari Patriam bello nefario viderent, concordia & compositionis auctores esse non destiterunt. Utinam verò illa Ordinum de pace consilia nunquam cogitata fuissent, sed eorum de perpetuo potius bello Hispanis inferendo, animi omnium consensissent! Res publica staret, hostis jam suis flagitijs, fraude, infamia concidisset: Tamen, quùm adhuc superessent in animis nostrorum hominum nonnulli igniculi, sui in Regem, in Principem suæ Reipub. adfectus & benivolentia, ipsi summa cum modestia, & humanitate postularunt æquissimas pacis condiciones, quas se perpetuò seruaturos addixerant Hispani: sed id falsa simulataque fide receperant; ut videlicet tantum à labore, & onere militari respirarent; posteaque majore vi arma exercebant. Nā eodem anno iterum totius Belgij percurratio à crudelissimo hoste secuta, in oppida misera militum reductio, in urbibus auri, argenti, bonorumque omnium ab optimis civibus direptio: Antverpia verò tota, ità miserè crudeliterque vastatur, diripitur, ut hujus unius cladis, & cædis historia in nostris annalibus, justo libro describatur: Leida secundum obsessa maximo cum periculo & noxa fortissimorum civium: Tentatum deinde Trajectum, urbs ad Rhenum vasta & potens, consimili, ac pari crudelitate, qua paulò antè

antè Antverpia. Itaque gens nostra, quæ cum magno præteritarum calamitatum dolore præsentem cõiungebat, crudelem dominatum diutius ferre noluit, redijtque ad primam belli virtutem: recepit aliquot oppida, & signum omnibus ostendit ad benè de Repub. sperandum: Sed Hispani secundò fraudulentam manum iniiciunt huic spei nostræ, rursusque Belgis pacem offerunt: In quam eos facilè inducunt, quùm jam dudum optimus quisque dètestaretur hujus belli clades, atque molestias, & pristinæ quietis recordatione hæud difficilè moveretur ad ejusmodi pacis consilia; quæ omni simulatione, & dolo carere crederentur: Vt enim quisque est vir optimus, ita difficilè alios esse improb's suspicatur. Ergò Maximiliani secundi Imperatoris intercessione, Bredæ statuitur nova pax; cujus Hispanis idem fuit initium, idemque finis: Illi enim interea bellum restaurabant, & designabāt oculis ad eadem, unumquemque nostrum: atque hoc ipso anno bello inuadunt urbes Buranum, Lerodamum, Oudevvatram, obsident Zirxzæam, redeunt denique ad vastationes & incendia agrorum, ad supplicia atrocissima civiū. Hæc autem omnia, aliaque multa evenerunt regente & administrante Rempublicâ **REQUISEPIO**, quem, revocato ex his Provincijs Albano, Rex peridoneum dignumque judicaverat, ut & imperio illius, & rebus, quas paullò antè enarravi, ab illo gestis merito succederet: Tamen si in primos hujus Præfecti conatus & studia, per varias Tyrannidis Hispaniæ

nicæ artes quasi quadrigis acta, transuersa incurrit mi-
 sera & inopinata mors: Vt quæ iccirco per hunc Rex Hi-
 spaniæ perficere non poterat, ea novis & indignis fraudi-
 bus, insidijsque Hieronymi à Rhoda postea experire-
 tur, Qui statim à morte Requisenij, à Rege Ordinum
 consilio est adhibitus, ut unanimi cum ipsis conspirati-
 one gereret Rempub., & castigaret, cōpesceretque gra-
 vissimos tumultus seditionesque Hispanorum militum,
 qui Alostum, Traiectum ad Mosam, Antvverpiam, reli-
 quasque urbes istis inauditis cædibus, incendijs, ac depopulationibus vastaverant; Et quidem cō fuerat redacta
 res, vt populatores illi hoc nomine tanquam seditiosi, &
 hostes statim proclamati & proscripti sint: Sed haud
 multò post Hieronymus à Rhoda Hispanicis fraudibus
 caput seditiosorum factus, utitur sigillo Regio, seseque,
 spretis Ordinibus, Gubernatoris loco palàm haberi cu-
 pit. Hac perfidia magnoperè commoti & offensi Or-
 dines, sese Principi Orangio, & Hollandis, Zelandisque
 unanimes jungunt, Hispanos omnes solo Belgico ejci-
 endos decernunt, ijsque bello atque armis perpetuò,
 fortiterque resistendum esse: Nec interea suum in Regē
 officium negligunt; imo verò sæpius, & obnixè illū pre-
 cantur, uti Hispanos populos evocet à Belgio, puniat
 ob hujusmodi crudelitatem & insolentiam, qua maxi-
 mas præcipuasque urbes Belgij affligerant. Quid hæc
 Rex Hieronymum collaudat, gratam sibi fuisse operam
 ipsius testatur; promittit autem illi ceterisque Hispanis
 hono-

hones, præmiaque digna factis, Ex quibus certò con-
stare potuit, hæc omnia Regis primùm consilio & con-
sensu instituta, gesta que fuisse. Igitur quum nihil Rex
hac via effici; à Belgis verò etiam fraudes suas intelligi,
seriòque bellum adornari videret, aliam viam ineundam
ratus, pro pelle leonina vulpinam induit; Pacem propo-
nit: Accipiunt eam Ordines bona fide, neque cogitant
alium latere anguem Hispanicæ perfidiæ in ista herba:
Nam hæc pax solennis habebatur, tantoque jurejuran-
do Principis Ioannis Austriaci postea superuenientis
confirmata, & tanta prudentia nostrorum Ordinum
terminata fuit, ut tum denique liberati per viros for-
tissimos, omnes viderentur, & jam omnem civilis belli
luctum quisque abstergeret. Hæc fuit pax illa pactioque
Gandavensis, de qua nunc pauca dicam, dum IOANNIS
AVSTRIACI, quæ Rex ad Belgij præfecturam id tẽpo-
ris ex Hispania ablegaverat, facta recensebo, vosque ro-
gabo, Serenissimi Principes, uti me deinceps loquen-
tem benivolis animis audire pergatis, & cognoscere pe-
nitus, quapropter à nostris hæc pacẽ violatã esse Hispani
falsò crimentur, quod ego gravissimũ crimen esse ju-
dico. Nã quum præ ceteris hujus Pacis legibus, hæc una
maximi ponderis esset & momenti, ut Austriacus non
admitteret ad consilia sua Hispanos vel externos, & quo-
rum operã constabat Provincias pervenisse in extrema
exitia, ille contrà tales vocavit ad se, ac recepit in aulam,
in

In conclavia sua. Nam præter Babuistâ Taxim, insignem speculatorem nostrarum rerum, qui, quum paullo ante Duci Albano fuisset à secretis, statim arcanis consilijs Austriaci non admotus tantum, sed etiam præfectus est, Et præter Octavium Gõzagam, hominem Italum; etiam insuper Escovedum adscivit, callidum illud fraudium Hispanicarum ingenium: Sed & Belgas aliquot his adiunxit; eos nimirum, qui aliqua ex parte autores & fautores fuerant tantarum calamitatum, inuisos Patriæ suæ, & bonis omnibus; Barlemontium, Meganum, Hiergium, Flojonum, Hautepernum, Assonvillium, aliasque Patriæ pestes, quæ istam legem à Lentulo, Catilina, Cassioque constitutam, suis sententijs, factisque probaverant & confirmaverant, uti omnes qui salva Repub. salui esse vellent, in hostium numero haberentur. Istorum igitur opera & consilio statim initio hujus pacis, Gandavum ipsum diripissent Hispani, nisi eos prohibuissent salutaria Ordinum nostrorum consilia & auxilia. Austriacus verò haud diu continuit odia sua in Belgas, & inimicitias, quin sacramentum illud sanctissimum facile deponeret ex animo, quo ad sacra Evangelia, coram Episcopo Buscoducensi, & Nuncio Pontificis receperat, acturum se cum militibus omnibus, qui quatuordecim millium numero in Provincijs hærebant, de stipendio, quod illis debebatur, ut deinde omnes dimitterentur, quemadmodum erat in pactis & condicionibus constitutæ pacis: Ille enim nova & majora militibus

bus promittit à Rege stipendia, honores, præmia, & sceleratissima consilia agit cum Frunſbergio, & Fuggero ducibus Germanorum militum, quæ partim ad exitum postea perduxit, partim à nostris impeditus exequi non potuit. Sed quò facilius hæc omnia perspicere possitis, rem gestam vobis paullo præsius explicabo: Nam in his duabus potissimum condicionibus; In observatione Romanæ Religionis, & legitima justaque Regi obedientia præstanda, versabatur omnis pacis compositio: Quæ quidem quum Ordines se præstituros sanctè jurarent, id simul etiam concessum illis fuit; ut quæ primo statim initio rerum mutari in Repub., & reduci ad has pacis compositiones minus possent, ea exactius fierent, & perficerentur proximis Ordinum Comitijis. Austriacus verò, cujus animus, per malas & rectas artes violandæ pacis desiderio, gerendique belli cupiditate flagrabat, neglectis istis condicionibus & promissis, statim redit ad eas querelas, quas tanquam velum aliquod Philippus & superiores Præfecti omnes suis in Rempub. sceleribus prætenderant, de neglecta Religione Romana ab Hollandis & Zelandis, deque prætermisſis hoc modo Regijs mandatis: Hanc ille incudem diem noctemque tundere, compellare, & fatigare Ordines, poltulare, ut omnes unà secum civilia arma sumant contra Hollandiam, Zelandiam, & Principem Orangium, Præfectum harum Provinciarum, & eximium iniqui dominatus Hispanici depulſorem: cujus in Rempub. universam

magna exstabant beneficia: Hoc enim consilio Austria-
 cus duo magna suis institutis commoda, atque usus spe-
 ctabat; Vt & Provinciæ per intestina bella exhauriren-
 tur bonis & facultatibus, & eas ipse postea proprio bello
 attritas, commodè omnes opprimeret. Quùm igitur
 ad istas querelas, tanquam ad saxa quadam tempestate
 delatus, perpetuò adhæresceret, Ordines respondent,
 præstare, & esse ex usu Reipublicæ, ut res per amicas cõ-
 uentiones in Comitijis transigatur, & mutetur quicquid
 sit de quo queratur Austriacus: Quod ipsum si persua-
 sissent, in has misérias civilis belli nunquam incidisse-
 mus: Quid enim magis contra Rempub. est, & contra
 omnem naturam humanam, quàm quæ lites ratione &
 jure decidi queant, eas armis & bello decernere? Archi-
 damus nō Christianæ quidem, sed longè prudētissimæ
 gravissimæque gentis Rex, adfirmabat nefas esse in eum
 arma sumere, qui paratus esset jure causam agere:
 Et Romani non statim ad arma conuolabant, si quæ
 iniuria aut vis illata ijs fuisset, sed primùm mittebant
Clarigatum, id est, res raptas clarè reperitum. Sed
 quam ego nuper vidi, quam obseruavi utilissimam &
 summam prudentiam constitutam cõsuetudinem Ve-
 nerorum? Enimuerò illi ne privatos quidem felicissimæ
 suæ Reipub. nobiles patiuntur de minimis iniurijs inter
 se contendere, aut odia & inimicitias fovere, sed eos in
 senatum suum vocāt, precibus, monitis rogant, hontan-
 tur, uti se omnes Sancti Marci (quod illi suæ Reipublicæ
 nomen

19
nomen indiderunt) filios esse meminerint, fratres & cives tantæ libertatis & felicissimi imperij: indignum esse ijs alere privatas simultates & dissidia, quæ postea in publica conuerti queant, summo cum periculo Reipub. Quæ profectò consuetudo in publicis potissimum negotijs valere, atque in omni benè constituta Repub. locum obtinere debebat: Ita enim non videremus urbes urbibus unius sæpè provinciæ vel Reipub., nobiles nobilibus ultrò citroque bella, clades, everSIONES, incendia minari, vimque inferre. Quare, ut ad id, undè digressi sumus, revertamur, quum duo sint genera decertandi, Vnum per disceptationem, Alterum per vim: quumque illud proprium sit hominis, alterum belluarum: & omnino fugiendum sit posterius, si uti liceat superiore; Ordines sanè bono & saluberrimo consilio, tantas quæstiones ratione potius & colloquijs tractari, quàm bello & civili sanguine augeri maluisse sentiendum est: Ille contrà statim publica voce queritur de omnium Ordinum globo, rebelles omnes proclamat: & jam nō amplius ex insidijs, sed apertè & palàm elaborat, agit atque cum Germanis militibus consilia Reipub. perniciosissima, quæ jam dudum occultata, tūm demum apertius tractare cæpit, quemadmodum res ea omnis postea Ordinibus cōstitit ex plurib. litteris, quæ tabellarijs excussæ fuerāt. Pleraque autē quotidie oculis perspiciebant; Primum quum universā aulā familiamque, & socios cōsiliorū transferre in Montē Hannoniæ urbem validissi-

má & suis cōiurationibus opportunā, eamque urbē fir-
 mare præsidij militū voluit. Prætereā quum fraudibus
 occupare castrū Antvverpiensē adeoq̃ inuadere ausus est
 Namurcū & Carolomōtiū urbes munitissimas, easq̃ mu-
 nire vigilijs suorū militū: & quum postea tentavit ex in-
 fidij urbē Bruxellensem capere. Vti jam multis illius &
 firmissimis præsidij obsessæ & oppressæ præcipuæ civi-
 tates essent, & jam cōmovere se omnino contra Rēpub.
 inciperet, aliaq̃ permulta fierent eius suasu & cōsilio, qui
 Sacramenti sui ratione auctor esse debebat, vt milites ex
 omni parte arma ponerent, & ex Provincijs subitō disce-
 derēt: Quæ quum Ordines manifestē cernerēt, judicaret-
 q̃ illud tēdere in perniciē Reipub., manendū sibi statue-
 bāt quasi in vigilia quadā senatoria, nec à Repub. deiicie-
 bāt oculos ex eo tempore, quo primū ille hæc omnia
 agere instituit. Itaq̃ summo cum obsequio & modestia,
 nulla adhuc animi perturbatione cōmoti mittebant Ma-
 rollæū & Brusum ad Austriacum, cum hac Legatione, vt
 satisfactionem illorum, innocentiamque proponerent,
 illosque expurgarent ab omni suspicione, quam maliti-
 osē ab ipso simulari certō sciebant: vt præterea iterarent
 fidem datam illi per Pactiones Gandavenſes: Promitte-
 rent, Ordines esse diligentissimē inquisituros & rigidē
 animaduersuros in istos sicarios & coniuratores, quos in
 vitam suam conspirasse, seque ob id Namurcum con-
 cessisse dicebat: offerrent illi præter eos satellites, quos
 habebat ad tutelam corporis, alios trecentos lectissimos
 gravis armaturæ milites; eosdemq̃ omnes Belgas, quæ res
 nemini

nemini ante illū præfecto obtigerat: Verūm nihil actum
 hisce supplicationibus, nihil modestia, nihilq̃ rationibus
 effectū est; Imò verò non tenebat istā perditā audaciam
 Austriacus, quin in hac legatione liberrimè significaret
 Marollæo, & jactaret se jã certò sibi polliceri urbē Ant-
 vverpiensē, nec dubitare quin sit ea ad suum arbitrium &
 imperiū reducta redactaque: Militē & pecunias nō deesse
 sibi, parata se habere omnia ad bellū gerendū, & concili-
 andam sibi majorem auctoritatem, imperiumque, quàm
 sibi ab Ordinibus pactione Gandavensi concessum ad-
 dictumque fuisset: Placere etiam sibi ut Legatus hæc
 omnia Ordinibus renunciaret, nihilq̃ eos cæleret, quod
 ad hoc suū consiliū, voluntatēque pertinere intellexisset.
 Res certa est, & jã olim nota; nullis ut testibus in hac re
 opus sit. Etsi verò miserū est id negare nō posse, quod sit
 turpissimū confiteri, tamē ne ipsos quidē Hispanos (im-
 pudētes aliàs plus quàm credi possit) hoc unquā negatu-
 ros puto. Scripserat quoque ad Trolōgium, aliosque cō-
 scios & socios suarū fraudiū & insidiarum, se bona civiū
 Antvverpiensum quasi Cimbricā prædā dono & rapinæ
 militibus dare: Iamq̃ milites, tanquā insensissimi hostes,
 diu noctuq̃ vagabantur per urbē, exigebāt civibus quæ-
 cunque vellent: plerique autē honestiores cives abire ex
 urbe & exulare incipiebant; & ipsa adèò mercatorum
 navigatio conquietescere. Hæc omnia quanquam magna
 & manifesta essent hostilis animi indicia: tamen mode-
 ratè ferebātur ab Ordinibus, & profectò pertulissent, nisi
 adhuc clarius & plenius constitisset, quàm exitiosa

quamque calamitosa facinora moliretur Austriacus. Ut enim is, qui primo aspectu inanimatum quiddam sensu-que vacuū se putat cernere, post autē signis certioribus quale sit id, de quo dubitaverat, incipit suspicari, Sic Ordines ex ijs omnibus quæ viderant, intelligebant facile Principem fovere animo & cōsilijs aliquod odium Reipub. perniciosum: sed quale illud esset, & quatenus profundere illud constituisset, postea ex litteris illius aliorumque apertē judicarunt. Nam in Vasconia fuerant excussæ tabellarijs complures epistolæ: Duæ videlicet ipsius Austriaci Principis ad Regem: una ejusdem ad Antonium Perets caput suorum consiliorum: quinque præterea Escovedi ad Regem, Ex quibus Ordines certō cognoscere poterāt monstra ali, rectaque agitari consilia: misceri magna dissidia in Belgio inter civitates, interque nobiles, quaque occasione id fieret, & quantum id cōferret Tyrannidi & Inquisitioni ex decreto Hispanico introducēdis stabilienēdisque: seriō postulari à Rege militem, arma & omnem belli apparatus. Agnoscite, Illustres Principes, recta illius hominis consilia, audite verba, quibus in litteris ijs, quas paullō antē interceptas dixi, ad Regem usus est; *Quandoquidem hoc corpus ita male adfectum est, ut aliter curari nequeat, quam sectione eorum membrorum, quæ male se habent, videndum omnino est, uti hac occasione oblata utaris.* Adiungebat autem Escovedum reliqua fusius, tanquam bonum suæ mentis interpretem scribere, quæ ipse volebat indicare: Is audaciæ & proditi-

tionis satellites atque minister erat, cui Escovedi nomen
à natura & moribus datum fuisse arbitror, quod fraudi-
bus miseros Belgas inescaret: is hæc scribebat ad Regem,
quæ illum Austriacus scribere voluerat; Fieri omnino
non posse, uti ulla ratione & modo Belgæ se submitte-
rent meræ absolutæque obedientiæ, & voluntati Regis,
nisi primum igne & sanguine coacti fractique essent, at-
que idè militibus & armis opus esse, remque bello
conficiendam: Tum verò tanquam bonus quidam Ty-
rannidis Hispanicæ architectus significabat, nō esse per-
petuò adhibendā eam severitatem & crudelitatem, qua
Albanus & Requesienus abusi fuerant: sed majore cum
dolo & simulatione circumveniendos Belgas esse. Nam
ut in navigādo tempestati obsequi artis est, etiamsi por-
tum tenere nequeas: quum verò id possis mutata velifi-
catione assequi, stultum est eum tenere cum periculo
cursum, quem cæperis, potius quàm eo cōmutato, quò
velis tandem peruenire: Sic ille existimabat remittendum
esse aliquid à primo Hispanorum furore atque rabie, si-
mulata fide & promissis agendum esse: ita fore uti Prin-
ceps Ioannes rem felicissimè gereret, qui incredibili esset
temperantia, animoque inter ambitionem sævitiamque
moderato: Suadebat autē suo & Principis sui consilio, ut
primum Angliæ regnum bello occuparetur, quo fieret
uti Provinciæ Belgarum nullo negotio superarentur.
Præterea quas Austriacus litteras dederat ad Antoniū Pe-
rets singularem amicum suum, ijs scribebat se eo animo
& in-

& ingenio à natura comparatum esse, ut quietus in otio vivere, & jura pacis tractare nequiret: nec verò etiam ferre suum illud ingenium posse, ut se legibus & privilegijs Belgarum totum submitteret, velle potius se armis Regi parare merum aliquod, & omnibus numeris absolutum in Belgas imperium. Quod si igitur nondum satis cernitis, Principem Austriacum violasse primum hanc pacem Gandavensem, quum res ipsa tot tam claris argumētis signisque luceat, recordamini, per Deum immortale, qui fuerint illius sermones, quos ad Ordinum nostrorum legatos habuit in Marca Faminæ urbe: Quum diceret se servaturum hujus pacis condiciones, quoad illum initi fœderis poeniteret; hoc est, donec Ordines illius blanditijs, & simulata fœctaque lenitate consopitos aliquando cōficeret, & cum illis opprimeret universam Rempub. Nam mortuo postea Austriaco Rex Philippus id nobis certò eventurum fuisse aperte ostendebat, tum, quum per Dominum Sellæum Mechliniæ Ordinibus significari & annunciari jusserrat, se velle infringere has pacis leges, nolle se ijs longius teneri. Quam verò ob causam? ob Romanam Religionem neglectā? Atqui nunquā illa majore studio, diligentiaq̃ culta fuerat, nunquā major nostrorum hominū zelus, ardor, contentio: jam receptierant Ecclesiarum antistites: jam scholæ collegiaque partim instituta, partim renovata atque aucta: nihil denique prætermittebatur, quod faceret ad observationem rituum & ceremoniarum Eccle-

sia Romanæ; adeò ut cum Italia, & cum ipsa Religionis illius primaria sede, & velut metropoli, Roma, Belgiû nostrum tum posset contendere: Quod ne ipsum quidem qui à Papali latere ad nos missus fuerat, Nuncius diffiteri potuit: si quidem is ad Pontificem de hac re scribens, Mirari se, aiebat, & vehementissimè lætari, tanta cum cura & pietate, Romanæ Religionis præcepta officiaque à Belgis celebrari. Quis autem fuerit animus, quæ voluntas, quod studium nostrorum Ordinum, ac Belgarum omnium in Regem, non est quod ostendamus, non est quod probemus eos nihil quicquam maluisse, quàm Regijs mandatis satisfacere, hisque morem gerere: Testatur id trophæa, arcus triumphales, pulcherrimique apparatus, facti & adornati in Principis Ioannis honorem & aduentum: Qua verò congratulatione omnium nobiliû, quo applausu totius populi, quibus conuiuijs atque epulis publicis exceptus sit ille, & quantam denique lætitiâ populus Belgicus ad huius pacis constitutionem totis theatris intulerit, omnes adhuc extera nationes commemorant, mirantur, obstupescunt, tanquam Belgæ in hoc Præfecto initium benè constitutæ Reipub. inuenissent. Et quum tu te introspicias, Iane Princeps, in conscientiam tuam ipse, negare non potes, Belgas præstitisse eas condiciones pacis, quas præstare debebât, nunquam detrectasse imperia Regis, dummodò illa plus quàm Manliana non essent, nec æquitati, legibus ac privilegijs suis plurimum derogarent. Sed ut

rem unam proferam, quæ omnium admirationem superat, & quæ huic disputationi nostræ, tanquàm operi fastigium imponet; Fateri sanè debes, Ordines in se recepisse, ut Hollandos Zelandosque bello, & vi cogerent ad præstanda ea, quæ tu requirebas, & statuebas fundamenta tuæ accusationis & querelæ, si primum juris via ratione, & colloquijs eos inducere in hanc sententiam non possent; Quæ tu omnia spernebas, & abiciebas, ut hoc velum, hic solus prætextus tuis falsissimis accusationibus maneret, & hæc causa probabilis videretur tuarum coniurationum, quæ tamen nulla erat, neque esse potuit: quandoquidem inter omnes, nō Belgas modo, sed quoscumque externos homines constat, qui tum ipsi rem omnem, uti gesta est, viderunt, vel postea auditione acceperunt; Hollandos, Zelandosque omni officio & obsequio semper Regis imperia, tanquàm oracula quædā suscepisse & peregisse: Nunquàm verò defuisse fidei suæ atque obedientiæ, quam naturæ legibus debebant suis Principibus. Equidem hoc certè fateor, quod immortalibus, & maximis illorum laudibus voueo, dico, consecro, Hollandos & Zelandos, primos autores reliquis Provincijs fuisse asserēdæ publicæ libertatis: Cupio enim ut aliquandò ab illius improbi hominis sceleribus ad vestram, viri prudentissimi, Ordines duarum Provinciarum fortissimi, virtutem omnis mea conuertatur oratio; Hanc ego silentio præteream? hanc cælem, quam quisque solet crebris suis sermonibus, & maximis vestris laudi-

laudibus usurpare? Vos semper & constanti voluntate intolerabilem, & crudelissimam Inquisitionis seruitutē recusasse: In qua si iussa, si auctoritatē, si imperium Regis constitutum fuisse dicunt, atque huic vos cedere, vos obtemperare noluisse adfirmant, Est sanè quod summa cum laude vestra fateamini, vos hanc causam præbuisse accusationibus Austriaci, hujus culpæ vos reos esse, quum quavis alia careatis, Est quod gloriemini, vos summa cum prudentia & consilio vobis cavisse, ne unquam his, vel quibuscumque alijs Hispanicis fraudibus, perfidia, insidijs vobis imponeretur: Vos itaque primùm summā constantia, & animi magnitudine exarsisse ad liberandam durissima Tyrannide Rempub. Vos reliquis Provincijs omnibus facem libertatis vestræ prætulisse: diuturno hoc bello confici, mori, quidvis pati maluisse, quàm leges, jura, privilegia vestra deserere; Quod ut ita deinceps ac semper feliciter, q̄ faciatis, Deū, cujus solius ductu & beneficio tam præclara geritis, obnixè rogo atque obtestor. Nunc redeo ad id unde deflexi, & vestro Christiani Principes, judicio, arbitrioque offero & trado quæcumque de rebus gestis Austriaci in medium protuli; vos hæc cognoscite, judicate, loquimini quid videatur.

Quum nihil sit ab uniuersis Ordinibus prætermissum, quod ut facerent, lege & pacto receperant: Hic verò Austriacus ex denis partibus nostrarum pactiōnum, quibus ille omnibus satisfacere debebat, ne unam quidem exactè præstiterit, videtis quanta cum æquitate partes istas

susceperimus, susceptasque egerimus: Quùm enim cer-
nerent Ordines, sibi sublatam esse omnẽ spem ac fidem
de dimittendis tot Germanorum militum copijs: eos
ipso in urbibus, in Provinciarum faucibus collocatos
esse: tenere Namurci & Carolomontij urbes castraque
munitissima, uti Austriacus per ea maximum, quem
litteris à Rege postulaverat, exercitum in Belgium reci-
peret: Viderent præterea militum omnium odia in se
conuersa, eosque summo desiderio inhiare deprædationi-
bus maximarum urbium, expectare modò exiguum
aliquod signum à Principe, quo dato illi statim erumpe-
rent, sævirent in vitam, & bona facultatesque Belgarum;
Ipsam verò Austriacum, aliosque nefarios homines, Pa-
triæ nostræ excidium palàm minitari: consociorum in-
dicijs, manu, voce, litteris ipsis conuictos, se urbes inflā-
mare, nobilissimum, & optimum quemque civem tru-
cidare, vastare Belgium, delere Rempublicam consen-
sisse; Quis esset qui ad salutem communem defenden-
dam non excitaretur? quis esset qui dubitaret optimo
consilio insidias Austriaci antevertere? quis tam incon-
sideratus & excors suam ipsius vitam noluisset armis &
bello defendere, Quandoquidem vim vi à corpore,
à vita sua ut propulsarent, quaecumque ope possent,
& ratio doctis, & necessitas Barbaris, & mos genti-
bus, & feris natura ipsa præscripsit. Vos, magni & boni
Principes, qui iura vestrorum Regnorum salva sana ha-
betis, hoc faciliè cognoscitis, hoc scitis ità oportere: Quid
autem

autem dico vos hæc scire? sciunt omnes Hispani, nostri
hostes ipsi ingenuè fatentur, & suo exemplo factisque
ostendunt id juris fuisse & esse. Nam quum Henricus
Castellanus, homo nothus, abauus hujus Philippi Re-
gis, eiecerit è Regno Petrum, fratrem suum legitimum
& hæredem, quod is Tyrannidi operam dare, quod
præter leges & jura Regnum suum procurare videretur;
Quumque idem Philippus Rex quibus condicionibus
Hispaniæ, iisdem quoque Belgij imperio successerit, ut
leges nimirum & jura seruaret, sanctèque coleret, Cur
non, ut Hispani Petrum, ita nos Philippum iniusto &
iniquo imperio subditos suos prementem, armis repel-
lere & eijcere è nostris provincijs perpetuò possimus?

Sed vereor, Principes, ne nimium vestra patiëntia abu-
tar, & longius, quàm ut plura adiungere debeam, oratio
progressa esse videatur: Tamen hoc etiam mihi conce-
datis oro, uti quæ post Ioannis Principis Austriaci impe-
rium Rex Philippus fictæ pacis fraudibus conatus est
efficere, ea nunc paucis etiam persequar, ut quare nulla
nobis pax habenda sit amplius, bellum autem perpetu-
um cum Philippo gerendum sit, perspiciatis. Sunt
equidem nomina pacis dulcia, & ipsa res est salutaris: Sed
inter pacem & seruitutem illam ficta pace obrectam
multum profectò interest. Pax est tranquilla libertas:
Seruitus illa, vel quicumque est illius metus, malorum
omnium supremum. Talis fuit illa in quam postea Co-
loniæ inducti seductique Belgæ fuerunt, quum Ordines

per Legatos suos, & litteras iterum vos vestrosque majores, omnes Christianos Europæ Principes rogassent, uti vestra auctoritate & hortatu pacem illam firmaretis, & caveretis, ne Philippus nova insidiarum ratione eam falleret: uti sanè malitiosè eam fefellit. Nam non trahebāt hoc tempore moram Hispani, quin statim Hannoniam & Artesiam Provincias inducerent ad nova dissidia, & defectionem à reliquis Provincijs, quibus illi hæctenus pro libitu imperitarunt: Trajectum deinde ad Mosam armis & vi expugnarunt: aliasque præterea urbes & Provincias partim vi, partim amplissimis promissis ad dedicationem traducere conati sunt. Donec tandem Vlyssæum illud ingeniū ALEXANDRI FARNESI Ducis Parmensis ex Italia prodiret, qui tanquam versutus quidam auceps omnes urbes Flandriæ & Brabantiae suavisimo suæ lenitatis & promissionum cantu irretiret: De quo Principe quum multa mihi dicenda essent, hoc unū non silebo; Quod, quanquam ille magna & præclara in rem Philippi gessisset toto suæ Præfecturæ tempore, tamen ambitus suspicionem effugere non potuerit, eò quod magna lenitate & comitate in se conuertisse omnium Belgarū animos, perspexisse autem & odio habuisse tantam Hispanorum malitiam visus esset: Quin adeò ob hanc causam postea Philippus illi fungos illos præbuit edendos, quos Agrippina Claudio Cæsari probaverat, ut eorundem virtute & efficacia in numerum Deorum se referri pateretur. Sed quæ tandem illa pars
fuit,

fuit, quæ velut novum aliquod astrum ex isto Hispani-
 carum fraudium cælo nobis adfulsit, hortante nos ad
 eam Duce illo Parmense, quum jam immanis hostis su-
 pra caput esset, & inaudita illa classis Hispanica totum
 Oceanum complevisset? Cujus adeo terribilis facies fuit,
 ut haud sciam an Xerxes majore cum copia navium,
 majore cum numero militum atque apparatu Pontum
 contabulasse dicatur: quo Philippus statuerat nos ve-
 luti ad rumorem pacis attētos, omnes uno impetu pro-
 sternere. Ea tamen classis quum solius Dei potentia, &
 per miraculum disiecta esset, statim ille per Cæsaris Le-
 gatum his Provinciis fæderatis obtulit novas pacis com-
 positiones: uti per eas posset omnem suum exercitum, &
 vim belli à Belgio in Galliam transferre. Cui Regno
 quas ille jam à multis annis struxerat insidias, ex jam
 mirum in modum succedere incipiebant: Occiso enim
 per patricidium, & nefarium scelus Rege Henrico Ter-
 tio suo adfines, & turbato per civilia dissidia universi Re-
 gni statu, res & occasio ipsa postulabat, uti armis & ex-
 ercitu deinceps persequeretur hæc sua consilia de inge-
 rendo se in florentissimum, & maximum Galliarum Regnum:
 quo devicto superatoque, nullo postea negotio has Bel-
 gij provincias, & reliqua Europæ regna ditionesque sibi
 subijceret. Quid? de reliquis Reipub. periculis licetne
 dicere? mihi verò licet, & semper licebit dignitatem Pa-
 triæ meæ tueri, veritatem profiteri. Ut enim boni orato-
 res solent servare sub finem orationis dicendi argumen-

ta quædam efficaciora, & majoris ponderis: & petiti imperatores collocare meliores milites in primo ordine aciei: Ita Philippus superiori anno pacem his Provincijs obtulit, eximia quadam fide munitam firmatamque, quippe quæ omnia fundamenta poneret in virtute, clementia, studio, probitate ARCHIDUCIS ERNESTI, sui consobrini, qui Præfectus Duci Parmensi successus, his Provincijs, non qualem antea difficillimis conditionibus terminatam, sed quam ipsæ desiderarent, pacem addicebat: Quùm interea Philippus majores exercitus transmittere in Galliã, remittere in Hollandiã suos sicarios, qui Illustrissimum Principem Mauritium, Comitem Nassovium, & insignem paternæ virtutis imitatore, nostræque libertatis propugnatorem interficerent, tamque indigno & fædo latrocinio tollerent, quàm quo paullo antè crudelissimè, & proditoria scelestaque manu crucidatus fuerat illius parens fortissimus, Princeps Orangius: Et denique longè deteriora, longeque scelestiora consilia decernere hoc tempore in has Provincias Philippus, quàm quæ unquam antea excogitare potuit. Nihil temerè dico, Principes, nihil adfirmo, quod non mille testes alij adfirmare bona fide queant, quod non litteræ ipsius Philippi attestentur. Quid ergo? An ullo simulatæ Pacis prætextu Ordines nostros à cæptis suis, institutisque dimoveri posse existimat Hispaniarum Rex? An dubitat animos nostros ita obfirmatos esse, ut bello & armis potius, quàm quibuscumque novis

pacis

75
pacis insidijs locum dare velimus? An ad suum libitum
voluntatemque patere quotidie nostrorum Ordinum
animos existimat? An dubitat adhuc nostrorum homi-
num consilia hac una omnium voluntate, & consensu
jam dudum coniuncta connexaque esse, ut bello & ar-
mishonestè pro legibus, pro Patria mori malint, quàm
deinceps insidijs & fraudibus illius turpiter succumbere?
Succumbere autem? Immo verò in extremū Tyranni-
dis malum peruenire, seruituti intolerabili atque inhu-
manæ tradi, & inter venalitios referri? Quin potius æter-
num bellū, perpetuaque arma decreta parataque sunt:
Nec nobis ulla alia pax proposita est, aut esse debet, quā
quæ armis & vi cōstitui, firmari & cōseruari poterit. Sed
quoniam de Gallia cepimus paullo antè dicere, & cum
illius bello nostrum esse quodammodò coniunctum
ostendere, pergā his pauca quædam addere, quibus
quantas insidias, fraudes, dolos huic Regno struxerit
Philippus, perspiciatis. Jam à multo tempore ille (vti
scitis Principes) elaboravit adnixusque est, ut omnem
belli impetum in Galliam conuerteret, ut per has Galli-
carum dissensionum occasiones tantum bello, suisque
belli impensis efficeret, quo magnam ejus partem obti-
neret, si totum occupare difficulter posset. Destinaverat
enim sibi jam antea maximo apparatu classis illius super-
bissimæ & Galliam simul & Angliam, tanquam hosti-
lè aliquam prædā, quū nulla tamen in re læsus, nulla-
que iniuria ad bellū ab optimis Regibus provocatus fuisset:
Nisi verò hanc causam sibi suffecisse arbitratur, quòd
hæc

hæc florentissima Regna, ipso ita volente & postulante, Pontifex ob purioris Religionis cultum proscripisset, Cujus scilicet abolendæ & dissipandæ causâ Philippus, velut Cato quidam Major, Censoria severitate solet animadvertere in omnes universi mundi Principes, omnesque terrarum populos. Verum, quod nunc neque præmittendum, neque relinquendum erat, quod vos omnes non ignoratis, & ejus rei turpitudinem nemo satis admirari potest, Philippus hoc bello Gallico, per Ducem Feriæ, aliosque Hispanos, apud Gallos coniuratarum partium (quibus ille tanquam belli socius auxilia adiunxerat) hoc consilium seridò, & summo studio agitavit, uti jus Regni illius, non modò à successione Regiæ stirpis, sed omnium omnino Gallorum in Hispanos derivaret: Hæc certiora sunt, Principes, quàm illa quæ apud Sagram. Sed quorsum hæc commemoro? Quid hoc ad causam meam attinet, quam defendendam suscepì? Ut quanta scilicet sit ambitio crudelissimi Tyranni ostendam, & quantum non nobis modò, sed vobis omnibus ab ea cavendum sit, videatis: Ut enim viris eâ naturâ est, ut nisi eam amputes & circumcidas, se longè latèque diffundat, & brachijs suis, ramisque quævis obvia amplectatur & circumdet, Sic Philippus, nisi ei unanimes obfistatis, totam aliquando Europam hoc crudentissimo bello devorabit. Nuper ille in Scotia tantum muneribus, & clandestinis insidijs effecerat, ut aliquot proceres illius Regni recepissent viginti millia Hispano-

rum militum, nisi re patefacta illi ipsi digna proditi-
 bus supplicia subiissent. Et quas insidias, quas proditio-
 nes, quæ pericula Angliæ Reginæ & Regno sæpissimè
 intenterit, non est quod ego meis verbis exprimi posse
 putem. Estne aliquid ultrà, quo progredi Tyranni am-
 bitio & violentia possit? reperitur. Nam eadem paullò
 ante machinatus est in Electoratum Coloniensem, Dio-
 cesim Argentinensem, Iulia, Clivia, Montis ducatus,
 & antiquissimam Imperij urbem Aquisgranum: Quæ
 omnia scriptis litteris, & certissimis testimonijs inter
 omnes manifestè patent. Et quis nescit quantis latebris
 simulationū cælet ille insensissima odia in potentiores
 Italiæ Principes, quæ adflante primo occasionum vento
 in magna bellorum incendia subitò efflagrabit? Non-
 dum satis cernitis, Principes, quantas insidias Philippus
 comparet vestris, felicissimis Regnis atque provincijs,
 vestro avito patrimonio? quùm nemo hominum tam
 sine oculis, tam sine mente vivat, qui non videat & in-
 telligat ambitionem Philippi indies progredi de regno
 in regnum, & nova bella de bellis serere, nunquam qui-
 escere: bello, flagitijs & sceleribus: pace, fraudibus & in-
 sidijs conari unumquemque vestrùm deijcere de gradu
 sui imperij. Est enim insatiabilis, & immensa hæc cupi-
 ditas, quæ nec solo nec cælo capi possit: Vt si tamquam
 in Critolai libra omnia Philippi regna, quæ longa serie
 solet commemorare in suis illis superbissimis titulis, ex

appendatur, vix minimi momenti instar illa haberi debeant. Alexander Magnus quum universum mundum vicisset, plures desiderabat : Philippus ipsum cælum, si posset, cum Gigantibus bello adoriretur. Quapropter jam non amplius vos obtestor, Serenissimi Principes, uti causam nostri belli judicetis, ac probetis vestro iudicio atque sententia, sed iterum atque iterum vos moneo, ut quantum consilij, quantumque viribus cõniti potestis, tantum vobis caveatis ab insidijs, rapinis & sceleribus Philippi. Athenienses olim tentantes partim bello, partim insidijs & dolis finitima quædam loca, atque urbes Syracusam, Lacedæmona, Messenam, Catinā, tantum odium immoderati imperij cupiditate contraxerant, ut illis tota Græcia cum Dario potentissimo Rege Persarum, ultrò bellum inferre constitueret, & velut ad extinguendum commune incendium concurreret, Vos verò, Illustrissimi Principes, magis profectò decebat, Philippū jã dudum vestra capita, vestraque regna omnia quotidie iniquissimo bello, & indignis sceleribus petentē, coniunctis viribus à vobis, saluteque vestra repellere : Atque il non tantum vos decebat, quicumque jam inde à multo tempore ad bella lacesciti estis iniurijs & ambitione Philippi : verum etiã quicumque cernitis indices illum in vicinorum vestrorum sedes per vim irrumpere, & ad vos lento quodā gradu appropinquare, Vos maturè providere oportebat, ne devictis, redactisq̃ in hanc servitutem finitimis vestris regionibus, Tyrannis

nis illa vobis aliud agentibus postea obrepit. Quum
 Philippus Macedo, Alexandri Magni pater à pugna cum
 Triballis commissa diu dissimulatum bellum Atheni-
 ensibus inferret, Eorum causæ Thebani se junxere, me-
 tuentes ne victis Atheniensibus, veluti vicinum incēdi-
 um belli ad se transiret: Factaque inter duas paullò an-
 tè infestissimas civitates societate, Legationibus totam
 Græciam fatigant; communem hostem putent com-
 munibus viribus summovendum: neque enim cessatu-
 rum Philippum, si prosperè prima successerint, nisi om-
 nē Græciam domuerit. Olim Romani Carthaginien-
 sium crescentem potentiam, missis auxiliariis copijs,
 quæ Mamertinos obsidione liberarent, & Hispaniam ab
 Afrorum servitute vindicarent, omnino judicarunt in-
 fringendam esse: Veneri quantumvis haud temerè & æ-
 gerrimè ad bella suscipienda commoveri soleant, tamen
 nunquam dubitarunt arma sua inferioribus præsidio
 mittere, si vicinos immoderato ambitionis impetū inter
 se contendere cernerent: Quæ quidem exempla, infini-
 taque alia vos docent, quantum vobis cavere debeat-
 is ab hoc supremo Hispanicæ ambitionis malo, ostenduntque hanc causam æquam, & justam esse cur
 huic Tyranno uno consensu nobiscum omnes bellum

tandum esse cum hoc Tyranno : Nos ex amicis exemplum capimus quomodo ab hostibus cavendum sit. Nam si tanto studio vestra imperia & regna ambit Philippus , ut illum quotidie facere videmus , Quid nobis fiet? Nunquam profecto ab armis ille discedet, quin sibi prius penitus subegerit universum Belgium, Quippe quod valde opportunum sit & accommodum suis consilijs, ut ex eo in vestra imperia & regna sæpè excurrat, & nova bella quotidie apparet , atque hinc traducat militem, arma , & omnem belli apparatus , conferatque in finitima regna vestra. Quamobrem mavult ille majorem etiam Europæ partem Turcarum deprædationibus adijcere, quàm ab hoc bello abstinere : Nec voluit superioribus Imperij comitijs , Imperatori militem & auxilia aduersus Turcam addicere, ut hunc Christianum orbem suis crudelissimis bellis commodius divexaret. Hæc dubitatis, Principes, qui vidistis ipsi Philippum initio nostrorum civilium motuum, maluisse jacturam facere duorum Regnorum, Tunis & Goulettæ, quæ Turcæ Sinâ Basscha duce tùm recuperabāt, quàm hæc bella nostra aliquantùm intermittere, aut ex his Provincijs militem remittere aduersus communem illum hostem Christianis omnibus infensissimum ? Et scitis quantum militem, arma, quantosque sumptus impenderit ac profuderit Philippus ad hujus belli nostri gestionem , ut si horum omnium rationem ineatis , certò vobis constet has impensas duplò majores esse eo pretio, quo universæ

79
hae Belgicae Provinciae emi possint, quantumvis ea maxima sint, florentissimae atque copiosissimae, Et dubium non sit, quin maximarum rerum & facultatum iacturam pati Philippus malit, quàm Belgium sine bello, sine armis, sine militum copijs, paci ac quieti, suisque legibus saluam sanam relinquere. Ille enim ex hoc bello, & ex his Provincijs nostris prima & maxima fundamēta Monarchiae suae, ac Tyrannidis adstruxit: Quippe quum videret eas accommodatissimas hisce crudelissimis insidijs & institutis: leges autē libertatemq̃ nostrā prorsus iisdem contrarias, aduersasque esse; Primū has conuellere, dilacerare, ac tollere per vim & bella voluit, ne reliquis suis subditis tantorum regnorum, quae ille vi & armis sibi subiecerat, vel postea subiecturus esset, ex hac nostra legum, libertatisque defendendae voluntate & consensu, exemplum fortitudinis caperent, libertatisque suae conseruandae maiorem animum, cupiditatemque assumerent. Quid igitur, Serenissimi Principes, iudicatis? quid statuitis faciendum fuisse nostris Ordinibus? quid agendum fuisse viris studiosissimis Patriae, bonique publici: Qui, ut in Tyrannide atque imperijs malè, & iniquè constitutis euenire solet, nunquam ad Principum suorum voluntatem, nec libidineque, rancorem

Sed contrà, qui, tanquam Patres Patriæ, Sospitatores Libertatis, Legumque assertores, ut in Rebuspub. temperatè, moderatèque Principum imperio ordinatis usuvenire debet, consilia, voluntatem, & imperia suorum Principum ad legum suarum, libertatisque conservacionem semper diduxerant, atque direxerant. Hispanos censeris Rempub. nostram perdere, & crudelissimè vexare; Nos turpiter eandem deserere, Patriam nostram, libertatem negligere, leges majorum contemnere debuisse? Illos ordinem Politicum invertere, & mutare in Tyrannidem, Nos manibus compressis spectare Patriæ nostræ funus, tristesque exequias? Illos lacerare, divellere, & tanquam rapacissimas belluas, devorare corpus Reipublicæ oportuisse, Nos, tanquam seruos, vitam, & bona omnia precariò habere? Quin potius laudatis, summoque honore extollitis hanc voluntatem Ordinum, hunc animum conservandæ Patriæ suæ? Quin eos adhortamini, & seriò commonetis, ut pergant fortissimè defendere vitam, libertatem, quocumque tandem modo possint? Quin hæc vobis quotidie in mente versantur, quùm de bello Belgico sermo vobis vel cogitatio est, quæ hætenus ostèdi, certisque rationibus addictis demonstravi; Ordines nostros atque universos Belgas coopertos miserijs, afflictos crudelitate Hispanorù, extorres Patriâ, ipsam necessitatè primum subegisse, ut hæc arma contra Philippum sumerent: Nunc verò etiam reliquas Hispanorù fraudes, perfidiam,

Andiam, iniurias, quibus postea toto hoc belli tempore
 Belgas adfecerunt, tantas esse, tamque immanes, & in-
 credibiles, ut ex ipsa seriò moneant, postulent, jubeant,
 Ordines hæc arma constanti animo & voluntate reti-
 nere, seruare, nunquam deponere, & ostendere ceteris
 Philippi subditis, Siculis, Calabris, Lombardis, Arrago-
 nensibus, Castellanis, Indis, Portugallensibus, Ostende-
 re autem vobis ipsis, Serenissimi Principes, factisque for-
 tibus demonstrare, non nobis tantum, sed vobis omni-
 bus, atque universo terrarum orbi moriendum potius
 esse, quam aspiciendum vultum hujus Tyranni. Vobis-
 ne adhuc persuaderis, Principes, Philippum nostrarum
 Provinciarum finibus determinasse suam Tyrannidem?
 Necdum videtis altissimam & perniciosissimam flam-
 mam istam Hispanicæ Tyrannidis, limina, fores, testa-
 que vestrorum imperiorum ad lambere? Vigilate tãdem
 ex ista quiete, & securitate vestra: adeste, aduolate ad hoc
 commune incendium restinguendum. Quid nos ad
 pacem cum Philippo incundam inducere, nosque inui-
 tos trahere vestris consilijs, autoritateque cupitis? quos
 jam dudum ipsos oportebat bello & armis Philippum
 à vestris finibus repulisse, summaque fortitudine op-
 pressisse. Vosque Potentissimi (ut singulos appellem)

maniarum fluminum ostia in sua potestate, voluntateque habiturus sit, ut vestras deinde navigationes, commerciaque suis vectigalibus & tributis aggravet, vel omnino impediat, quum sibi adlubebit, quumque vos suis imperijs obtemperare noletis. Hic est ille, quem, dum vobis, unius atque alterius Provinciae suae nomine in Comitibus vestris, concilijsque affidet, auditis publice sententiam dicere, suaeque consilia Tyrannidis praeferre vestrae saluti & tranquillitati. Hunc vidistis Episcopos Fringensem, Hildeshemensem vobis designare: Principes atque Electores Imperij, Coloniensem, Leodiensem; Magdeburgensem creare, perque ambitiosissimum Bavariae ducem vobis omnibus insidiari. Et ut ad vos, Magni Illustresque Poloniae Proceres, me convertam; An non ita est? Philippum id genus hominum, quorum religione & dolo totum penè mundum perturbat, Iesuistas maximo numero in Regnum vestrum introduxisse, ut eorundem opera, & speciosis fraudibus sua consilia vobis suggerat? Iam verò vobis, Serenissimi Italiae Principes, dixi & dico palàm, vestris ceruicibus extenuissimo filo impendere gladium illum vagina vacuum Hispanicae Tyrannidis: Vos enim, Illustrissimi Reipublicae Venetae Senatores, vidistis, aspexistis ipsi in vestro statu, imperioque hanc Philippi Tyrannidem, quum ille, licet vobis foederis jure cõiunctissimus esset, tamen pecuniâ datâ Turcam in vos armaret, eorumque impetum à suis finibus in Cyprum converteret. Quapropter
ipsi

83
ipsi tandem aliquando attendite, Principes, ad res, ad salutem; ad vitam vestram: Considerate, animadvertite hostem ac Tyrannum vobis omnibus Philippum esse, Quem nolite tolerare aut ferre amplius in rerum natura, cujus ambitionem dominari, & grassari longius infesto & funesto imperio, vos prohibete, impedit. Et ut membra quædam amputantur, si & ipso sanguine & spiritu carere cæperint, & nocent reliquis partibus corporis: Sic judicate istam in figura hominis feritatem, & immanitatem belluæ à communi tanquam humanitate corporis segregandam esse. Hoc laudandum meritò facinus Persarum fuit, vobisque omnibus probandum; Quod, quia Cometes & Oropastes Magi Persæ per simile Tyrannidē, eademque Mergidis Regis Persarum, regnum occupassent, interfecti sunt virtute septem fortissimorum Principum Persarum: Nam, quum miræ animi alacritate, & ardore omnes ferro & gladijs accurrissent ad hos Tyrannos propria manu confodiendos, eorum unus Gobryas alterum Magorum complexus, cunctantibus socijs ne ipsum pro Mago transfoderent, quia res obscuro in loco gerebatur, vel per suum corpus adigi Mago ferrum iussit. Tantum huic genti odium

criter labefactantem statum imperij eiecerunt : Nos Philippum non Belgium modò, sed mundum vniversum cæde, incendijs vastare, & subuertere cupientem in nostra Repub. feremus? Pergent profectò Ordines nostri vobis munire tantæ Tyrannidis confringendæ & discutiendæ viam : Perseverabunt longè longèque eam repellere, avertere, reijcere ab extremo nostræ salutis exitio atque interitu, & cum modum belli tenebunt, quem instituerunt; Vt non tantùm suas, sed reliquas quoque Belgij Provincias pristinæ libertati aliquandò restituant, easque ex angustijs Hispanicæ Tyrannidis educant, & in majorum suorum regno collocent. Atque ità restitutâ tandem aliquando, meliusque stabilitâ cum universi Belgij provincijs societate atque fœdere, facilius impedianc crudelissimi hostis concursus & incursus, eosque unanimes arceant à salute sua, libertateque publica.

Tu, Summe DEVS, qui calum, maria, terras; bella, pacem moderaris: qui Regibus, Principibus, atque universis muni. li populis leges, iussa ponis: qui victoriam, triumphos, trophæa statuis & decernis: qui clades, pericula, iniurias inhibes, avertis; Assurge, Magne Deus, & erige te aduersus hostem omnis iustitiæ & pacis, hostem tuaram laudû & gloriæ: Tu tua prudentia, consilio dirige instituta nostra: & libera aliquandò populi tuum, qui tuum sanctissimum nomen summa pietate, veraque Religione veneratur.